

遼史紀事本末

光緒二十九年十月十七日江西學

政臣吳士鑑

奏儒臣潛心經籍懇

恩嘉獎片

再我

朝稽古右文士多樸學其有著述賅博

卓然成家者歷經臣工進呈

奏摺

乙覽如山東之郝懿行江南之汪士鐸等

迭蒙

諭旨嘉獎海內士林傳爲盛事茲查有前任江西峽江縣訓導李有棠係萍鄉縣優貢潛心經籍富有述作獨於史學尤爲專門著遼金二史紀事本末九十二卷於兩朝政治掌故區別條

流窮源竟委其體例悉仿宋袁樞通鑑紀事本末明陳邦瞻宋元史紀事本末而於他書互有異同者詳加質證註於其下名曰攷異臣細讀其書紀述淹賅考訂完密且治遼金二史較之他史尤爲繁難蓋以元初史臣率爾撰述採摭未廣譯語多歧今得

奏摺

此書博考羣編蔚爲鉅製實爲乙部
中不朽之作該教官年逾六旬淡於
榮利養親事畢卽不在仕其胞弟有
蔡官至布政使該教官尤不肯輕入
城市與聞公事實爲敦品積學之儒
臣謹將原書裝潢成帙恭呈

御覽可者



飭下南書房翰林閣看如家

諭旨量予嘉獎洵足以振機學而勵真儒

臣愚昧之見是否有當伏乞

聖鑒訓示謹

奏奉

硃批另有旨欽此

本日內閣奉

上諭

三

上諭江西學政張士鐸呈進前次江

導李有榮所著通鑑輯覽總纂本末

命書據稱著許定密讀覽其書并等

語着發交南書房閱看其有可請旨

欽此



光緒二十九年十月二十三日禮部

尚書協辦大學士南書房行走徐

郁等為遵

旨閱看覆奏事竊臣等奉

旨發下江西學政吳士鑑奏進前映江縣

訓導李有棠所請遺金生史維壽本

末一函臣等公同閱看謹按史家

例次漢以來不過紀傳編年三體耳
宋袁樞創爲紀事本末遂使紀傳編
年貫通爲其後如陳邦彥合應泰
等沿其條例各有纂述列諸
四庫燦乎有文惟遼金三史異同互見
疏漏滋多錢大昕著皇朝異詁等
書曾枚舉之誠以鈎稽蒐輯從事長

難故紀事之作久付闕如今該員以
類排纂成書九十二卷用力甚勤而
於政治得失之間尤多深意足備
幾餘乙覽其應如何嘉弊之處臣等未敢
擅擬伏候

聖裁謹

奏

本日內閣奉

上諭前據江西學政吳士鑑奏進前江西

峽江縣訓導李有崇所著遺金三史

紀事本末一書發交南書房閱看茲

據奏稱該員排纂成書用力甚勤等

語李有崇著賞給內閣中書銜以示

嘉獎欽此

遼史紀事本末凡例

貶封資政大夫 特賞內閣中書前江西峽江訓導李有棠編纂
一紀事本末一體肇自有宋袁氏機仲實爲紀傳編
年之亞嗣後沿作者多厯史俱備惟遼金尙覺闕
如查遼史原太簡畧良由俗少記載雖太宗會同
初詔編始祖奇善汗事迹所載甚寡厯朝向置史
官僅修日厯迨興宗時因耶律孟簡言命編赫魯
烏哲休格三傳進始置局編修時則耶律古雲耶
律庶成蕭罕嘉努實任其事嘗上實錄二十卷道
宗大安中史臣復進七帝實錄至天祚帝乾統三

年詔耶律儼纂修諸帝實錄共七十卷始得勒爲成書金代熙宗章宗兩次續修遼史逮黨懷英致仕陳大任續成之元宰相托克托等奉詔纂輯均本儼大任二書但紀載簡略參之五代與宋金諸史及各傳記間多牴牾爰不揣謏陋謹編遼史紀事本末一書區別條流各從其類均以正史爲主間與他史及各傳記事有異同詞有詳畧兼倣裴世期補注三國志及胡身之注通鑑取溫公所著攷異三十卷散入各條例小注雙行分載每條之下名曰攷異以便觀覽而資質證

一通鑑之例諸帝卽位後皆書上間有書帝者又有甫卽位而書其諡號者此沿舊史傳寫未及改正今紀遼各帝事惟太祖仍舊餘皆卽位後書帝至崩則某宗某帝隨事書之以歸畫一將相以下皆書其官連事類記者或但書其名省文無義例也綱目於列朝臣工其間號官爵諡之具否用筆謹嚴茲於遼諸臣因事則書不具載義不主褒貶也一通鑑彙正史之紀傳會而成書綱目則取法春秋其所謂綱者大都筆削紀傳之書法其目則傳志中語也通鑑因事著之而綱目並見然其編年之

例甚嚴而攷異一書辨年月之訛舛尤爲詳核綱目以書法爲主於其事之不甚相遠者多彙著之目中中間繫以先是至是初字等字之類其又遠者則遞著其年月而統繫之一綱下故其書法嚴而年月稍寬矣今撰遼史紀事本末主於記事彙敘多做綱目而年月之或舛附見之攷異中又通鑑之例也

一遼史本紀多据實錄列傳間採家傳所記攻取戰伐及聘問諸事或有近者差數十日遠者差至數月大抵皆以本國之月日爲主奏報不時間由傳

聞之誤至兵事勝敗彼此歧異今爲參互攷訂亦附之攷異中以紀實也

一遼史於征戰諸事間稱大軍多由本國史臣之自尊其君或稱遼師遼兵遼軍者則係後世史臣追敘之詞然作本國之史紀本國之事尙稱爲遼似乎未安今一概改爲國兵至大軍則惟中國得稱之遼本偏閏之國未便僭也又遼史於行軍概曰征討亦宜稍示區別茲於屬國部族書征書討與中國交綏曰侵曰攻曰擊至石晉則或稱伐蓋彼係遼國所立而復背盟構怨則咎由自取似不能

一例論也

一契丹國志諸書多本稗官野史卽如所紀承天后
臨朝隆運擅辟陽之寵遼史不書但於其寵眷非
常恩賜稠疊則備載之亦爲尊者諱之意也至齊
天后善琵琶元妃誣其與樂工通王偁事畧乃信
爲實事懿德后好音樂爲叛婢單登所告實由伊
遜姦謀而王鼎焚椒錄且載其懷古諸詩此豈足
備正史之採擇今均於攷異中辨明之

一劉漢稱臣卽爲藩屬其與周宋交綏遼每出師援
應史紀戰事語甚寥寥今撰紀事本末蒐採羣書

附見之攷異中以昭詳核

一北宋和戰最爲大局所關遼史紀載語歸簡易其他或見之列傳中今撰紀事本末博采各書攷證同異卽如楊太尉陳家谷殉難大節凜然而色珍傳有口稱死罪之語殊失之誣其失援被陷罪在王侁而潘美不得辭其咎史未詳載況重熙增幣富鄭公力爭獻納二字史云文書稱貢究非紀實至蕭禧爭河東地界宋用王介甫言失地七百里史亦未書今皆參攷互稽附載之攷異中以擴聞見

一宋金圖燕信使往來爲謀甚久史但於天祚帝保
大四年載歸地塞盟之語至魏王之立天祚紀謂
爲蕭幹而紀北遼事又以爲和勒博無怪續綱目
於稱奚帝分爲二人李處溫援立魏王自爲宰相
嗣懼禍通宋天祚紀所書甚明而於北遼紀又謂
宰相李純潛納宋兵彼此歧異今撰紀事本末於
宋金之交備載原委蕭幹之卽和勒博謹遵通鑑
輯覽詳爲辨證若李處溫之與李純是否一人均
附載攷異中以昭徵信

一遼國之郡邑沿革山川分隸以及關隘堡鎮之建

置地里志所未詳者今皆博采諸史及方輿紀要
諸書逐一分注以清眉目而臣工之名字里居亦
爲參考詳載而於一人數名及數人同名者縷晰
條分以資攷證至通鑑綱目及各史傳所載遼國
地名人名音譯互歧間有訛謬惟

國朝重訂遼史悉遵國語解用三合音改正而
御批通鑑輯覽亦命將滿洲蒙古文字互爲參攷詳
加譯改最爲明晰今謹遵新譯仍注舊作某字於
其下以便省覽

一史家之例敘而不斷惟直書其事而得失勸懲寓

焉若必欲臧否而短長之非史事也史評自有專
書四庫書別爲一類班范論次皆入贊中通鑑諸
論繫之本事下間採他人評論參之唐劉知幾史
通謂史論之煩萌於司馬後世作者本無疑事輒
設論以裁之豈知史書之大體載削之指歸者哉
今撰紀事本末詳爲敘次末議不參以歸簡潔
一史記漢書皆有後序自明其著書之義例溫公通
鑑無序以宋神宗御製序在前也其釋例凡三十
六事見四庫書提要中錢大昕答馮集梧書謂古
史紀傳編年之書祇有本人自序未有他人代爲

之序者蓋史以寓褒貶其用意所在惟著書人可
以自言之雖各種紀事本末俱載他人代作之序
究非古也惟高士奇有凡例四則觀劉知幾謂史
之有例猶國之有法國無法則上下靡定史無例
則是非莫準今撰紀事本末不列序而立例亦猶
行古之道耳

遼史紀事本末凡例

遼史紀事本末目錄

卷首

考一

表一

卷一

太祖肇興

卷二

埒克等之叛

察克事附

卷三

東丹建國

卷四

赫魯佐命 蕭達魯等附

卷五

韓延徽輔政 韓知古等附

卷六

西北部族屬國叛服

卷七

征撫高麗

卷八

舒嚕太后稱制

卷九

太宗嗣立

卷十

太宗克唐

卷十一

石晉背盟

卷十二

趙德鈞父子構亂

卷十三

魯呼爭立

喜隱事附

卷十四

世宗之立

卷十五

蕭翰謀逆

卷十六

烏哲定變

室昉賢適等附

卷十七

劉漢之臣

卷十八

穆宗之暴

卷十九

宋初和戰

卷二十

承天太后攝政

卷二十一

耶律隆運柄用

張儉事附

卷二十二

色珍戰績

卷二十三

休格將略

遼史紀事本末

目錄

三

卷二十四

澶淵之盟

卷二十五

西夏封貢

卷二十六

齊天蕭后之誣

法天后事附

卷二十七

渤海延琳之叛

高永昌附

卷二十八

重元父子之亂

叛黨附

蕭阿拉等附

卷二十九

重熙增幣之議

卷三十

昭懷太子之誣

卷三十一

耶律伊遜之姦

姦黨附

卷三十二

金人兵起

卷三十三

天祚播遷

卷三十四

蕭奉先悞國

塔刺台附

卷三十五

耶律伊都之叛

卷三十六

北遼魏王之變

雅里附

卷三十七

李處溫父子稔禍

卷三十八

奚酋僭號

卷三十九

張穀歸宋

卷四十

西遼達實之立

卷末

引用書目

通志紀事本末目錄

遼史紀事本末卷首

帝系考

太祖皇帝

姓耶律氏諱億字安巴堅原作阿保機小

祖子母曰宣簡蕭后唐咸通十三年生初為塔瑪

噶賽特累擢大德府額爾奇木拜裕悅總知軍

國事梁開平元年丁卯哈陶津汗殂始稱帝紀元

丙子建元神册七年改天贊五年改天顯七月崩

於扶餘府行宮在位二十年五年五十五葬祖陵追

諡昇天皇帝加諡神烈后舒魯氏諡瀋欽子四義

宗貝太宗章肅帝魯

呼特哩袞雅爾噶

太宗皇帝

諱德光字德謹小字撬庫濟原作珪骨太

元年授大元帥天顯元年七月太祖崩太后攝政

二年十一月始即位不改元十三年改會同十年

改大同建國號大遼是年四月崩於藥城在位二

十一年年四十六葬懷陵追諡孝武惠文皇帝后

蕭氏諡靖安子五穆宗齊王雅
斯哈天德冀王迪里越王必舒

世宗皇帝

諱阮小字烏雲原作兀欲義宗貝長子母柔貞蕭后大同元年封永康王太宗崩梓

宮次鎮陽王

即位自號天授皇帝改是年為天祿

元年尊父為讓國皇帝

五年九月察克叛被弑於

火神淀在位四年

三十四葬顯陵追諡孝和莊

愍皇帝后蕭氏

同遇害諡懷節子三莊聖太子哈

勒布景宗

寧王扎穆

穆宗皇帝

諱璟小字舒魯原作述律太宗長子母靖安蕭后會同二年封壽安王天祿五年九

月即位自號天順皇帝

是年改元應歷十九年三

月如懷州為近侍

霄格等所弑在位十八年年三

十九耐葬懷陵

追諡孝安

敬正皇帝后蕭氏

無子

景宗皇帝

諱賢字賢寧小字明辰世宗第二子母懷節蕭后甫六歲遇察克亂穆宗養之永興

宮穆宗被弑即位

號天贊皇帝改應歷十九年為

保寧元年十一年

改乾亨四年九月崩於焦山行

宮在位十三年年三十五葬乾陵追諡孝成康靖
皇帝后蕭氏諡睿知子四聖宗秦晉王隆慶齊王
隆祐藥師
努早卒

聖宗皇帝

諱隆緒小字文殊努景宗長子乾亨二年
封梁王四年景宗崩即位時年十二母睿

知太后攝政明年改元統和號昭聖天輔皇帝三
十年改開泰十年改太平十一年六月崩於大福

河之北在位四十九年年六十一葬慶陵追諡文
武大孝宣皇帝齊天后蕭氏諡仁德子五興宗秦

王重元柳城郡王布古德燕王烏格
南府宰相格爾混同郡王海古勒

興宗皇帝

諱宗眞字雅布濟原作夷不堇小字濟古
爾原作只骨聖宗長子母欽哀法天后生

齊天后養爲子三歲封梁王太平元年冊爲皇太
子十一年六月聖宗崩即位改是年爲景福元年

明年改重熙法天后誣廢齊天后尋執之二十四
年八月崩於南崖之北峪在位二十四年四十

葬慶陵追諡神聖孝章皇帝后蕭氏諡仁
懿子三道宗宋魏王和囉噶秦趙王阿林

遼史紀事本末

卷首

二

道宗皇帝

諱洪基字納琳原作涅隣小字察喇原作查刺興宗長子母仁懿蕭后六歲封梁王

重熙十一年進王燕十二歲總北南樞院事進王

燕趙二十一年授大元帥預朝政二十四年八月

興宗崩卽位改是年爲清寧元年十一年改咸雍

正月立子濬爲太子十一年改壽隆七年正月崩

於混同江在位四十六年年七十葬慶陵追諡仁

聖大孝文皇帝前后蕭氏諡宣懿次后蕭氏降惠

妃子一

太子濬

天祚皇帝

諱延禧字延寧小字阿果道宗孫昭懷大子濬之子母貞順蕭后太康元年生六歲

封梁王進封燕總北南樞院事爲大元帥壽隆七

年正月道宗崩卽位改是年爲乾統元年諡皇考

爲順聖皇帝號順宗十一年改天慶十一年改保

大五年二月走應州新城東六十里爲金將羅索

所獲時宋徽宗宣和七年乙巳也降封海濱王以

疾終在位二十四年年五十四改封豫王葬廣寧

府閭陽縣乾陵傍后蕭氏從帝西狩以疾崩子六

晉王額魯溫神歷帝雅里燕王塔魯趙王實訥均

秦王定
許王甯

遼史紀事本末

卷首

三

遼史帝系考

遼史紀事本末卷首

紀年表

丁卯 戊辰 己巳 庚午 辛未 壬申 癸酉 甲戌

梁肅宗二年 三年 四年 乾化元年二年 末帝四年

五月改元

六月子亥珪
二月亥珪伏
弒吳自立
誅均王璵立

聖祖二年 三年 四年 五年 六年 七年 八年

乙亥 丙子 丁丑 戊寅 己卯 庚辰 辛巳 壬午

景宗二年 三年 四年 五年 六年 龍德二年

九年 天祚二年 三年 四年 五年 六年 天祚二年

按史是年二月建元

契丹國志天契丹國志二年
按史是年二月改元

癸未甲申乙酉丙戌丁亥戊子己丑庚寅

聖德廣運三年
聖德廣運三年
四年
聖德廣運三年
四年
長興元年

十月為唐所滅

聖德廣運三年

閏四月稱帝

是年四月被弒克用養子嗣源立改天

成元年

天贊三年三年四年天顯元年
天顯元年
三年三年四年五年

契丹國志三契丹國志四契丹國志五契丹國志天契丹國志天契丹國志三契丹國志三契丹國志四

年
年
年
贊六年
顯元年
年
年
年

按史是年二月改元七月太祖崩

辛卯 壬辰 癸巳 甲午 乙未 丙申 丁酉 戊戌

廣興三年 三年 四年 廢帝應和三年 廢清泰三年 三年 三年 三年

十一月嗣源 四月嗣源 十一月為晉 所滅

祖子從厚立 子從珂廢帝 自立改清泰 元年

天顯六年 七年 八年 九年 十年 十一年 十二年 會同元年

契丹國志五 契丹國志六 契丹國志七 契丹國志八 契丹國志九 契丹國志十 契丹國志會 契丹國志二

同元年是年 國號大遼 按史是年十一月改元

己亥庚子辛丑壬寅癸卯甲辰乙巳丙午

顯宗五年六年七年（崇寧）開運二年三年

六月趙兄子
重貴立

七月改元

十二月為契
丹所滅

會同二年三年四年五年六年七年八年九年

契丹國志三契丹國志四契丹國志五契丹國志六契丹國志七契丹國志八契丹國志九契丹國志十

丁未戊申己酉庚戌辛亥壬子癸丑甲寅

（乾祐）元年二年三年四年

二月稱帝

正月高祖子
承佑立

十一月郭威正月稱帝
篡位漢亡

正月威祖養
子崇榮立改
顯德元年

五年六年七年

正月癸卯
陽
十二月癸丑
子鈞立

大同元年世宗祿年三年四年五年
穆宗應至三年四年

契丹國志會契丹國志天契丹國志三契丹國志二契丹國志四

同十一年
祿元年
年

按史是年二
按史是年九

月改元建國
月世宗被弑

號大遼四月
太宗子述律

太宗崩兒子
立改應應元

元欲立九月
年契丹國志

改天祿元年
同

契丹國志無
改元大同事

乙卯丙辰丁巳戊午己未庚申辛酉壬戌

遼史紀事本末

卷首

三

開其曆年

三年

四年

五年

六年

宋遼通年

二年

三年

天會元年

九年

天會二年

二年

三年

四年

五年

六年

應歷五年

六年

七年

八年

九年

十年

十一年

十二年

癸亥

甲子

乙丑

丙寅

丁卯

戊辰

己巳

庚午

宋遼通年

乾德二年

三年

四年

五年

六年

開寶二年

三年

十一月改乾德元年

北遼通年

八年

九年

十年

十一年

十二年

宋遼通年

三年

六月樂祖子宗訓立明年正月禪位於宋國亡

十二月改開寶元年

應寧平三十四年十五年十六年十七年十八年十九年

鈞卒弟字繼十國春秋天十國春秋天
恩立被弑弟會十三年會十四年
繼元立改廣
運元年

契丹國志是契丹國志保
契丹國志三
年穆宗被弑壽二年
年

景宗立改保按史是年三
壽元年
月穆宗被弑
世宗子賢立
改保壽元年

辛未壬申癸酉甲戌乙亥丙子丁丑戊寅

宋高宗五年六年七年八年九年
宋高宗三年

十月太祖崩
弟貞立十二

遼史紀事本末

卷首

四

月改太平興

國元年

卷之四

五年六年七年八年九年十年十一年

十國春秋天	會十五年
十國春秋天	會十六年
十國春秋天	會十七年
十國春秋唐	運元年
十國春秋二	年
十國春秋三	年
十國春秋四	年
十國春秋五	年

會十五年

會十六年

會十七年

迎元年

年

年

4

年

保寧三年 四年 五年 六年 七年 八年 九年 十年

契丹國志四	契丹國志五	契丹國志六	契丹國志乾	契丹國志乾	契丹國志乾	契丹國志乾
年	年	年	亨元年	亨二年	亨三年	亨四年
						亨五年

年

年

年

享元年

亨二年

三年

享四年

享五年

己卯庚辰辛巳壬午癸未甲申乙酉丙戌

五年 六年 七年 八年 九年 癸卯年 三年

雍正二年

十一月改元
熙元年

大德堂

十國春秋六
年見年五月
為宋所滅

乾亨元年 二年 三年 四年 統和元年 二年 三年 四年

契丹國志六
年
契丹國志七
年
契丹國志八
年
契丹國志九
年
契丹國志是
年復號大契

按史是年九
月景宗崩子
隆緒立契丹
國志同

丁亥 戊子 己丑 庚寅 辛卯 壬辰 癸巳 甲午

宋太宗端拱元年 二年 三年 四年 五年

統和六年 七年 八年 九年 十年 十一年 十二年

乙未 丙申 丁酉 戊戌 己亥 庚子 辛丑 壬寅

宋高宗二年 三年 **熈寧**二年 三年 四年 五年

三月太宗崩
子桓立

神宗十三年 十四年 十五年 十六年 十七年 十八年 十九年 二十年

癸卯 甲辰 乙巳 丙午 丁未 戊申 己酉 庚戌

徽宗二年 **崇寧**二年 三年 四年 **宣和**二年 三年

欽宗二年 三年 四年 五年 六年 七年 八年 九年

辛亥 壬子 癸丑 甲寅 乙卯 丙辰 丁巳 戊午

宋理宗五年 六年 七年 八年 九年 **嘉泰**二年

統和十三年開泰元年二年三年四年五年六年七年

契丹國志統和三十年
契丹國志開泰元年
契丹國志二年
契丹國志三年
契丹國志四年
契丹國志五年
契丹國志六年
按史是年十一月改元

己未庚申辛酉壬戌癸亥甲子乙丑丙寅

統和四年五年乾興元年
契丹國志五年
契丹國志六年
契丹國志七年
契丹國志八年
契丹國志九年
契丹國志十年
契丹國志十一年
契丹國志十二年
契丹國志十三年
契丹國志十四年
契丹國志十五年
契丹國志十六年
契丹國志十七年
契丹國志十八年
契丹國志十九年
契丹國志二十年
契丹國志二十一年
契丹國志二十二年
契丹國志二十三年
契丹國志二十四年
契丹國志二十五年
契丹國志二十六年
契丹國志二十七年
契丹國志二十八年
契丹國志二十九年
契丹國志三十年
契丹國志三十二年
契丹國志三十四年
契丹國志三十六年
契丹國志三十八年
契丹國志四十年
契丹國志四十二年
契丹國志四十四年
契丹國志四十六年
契丹國志四十八年
契丹國志五十年
契丹國志五十二年
契丹國志五十四年
契丹國志五十六年
契丹國志五十八年
契丹國志六十年
契丹國志六十二年
契丹國志六十四年
契丹國志六十六年
契丹國志六十八年
契丹國志七十年
契丹國志七十二年
契丹國志七十四年
契丹國志七十六年
契丹國志七十八年
契丹國志八十年
契丹國志八十二年
契丹國志八十四年
契丹國志八十六年
契丹國志八十八年
契丹國志九十年
契丹國志九十二年
契丹國志九十四年
契丹國志九十六年
契丹國志九十八年
契丹國志一千年

二月真宗崩
子禎立

開泰八年九年太平元年二年三年四年五年六年

契丹國志七年
契丹國志八年
契丹國志九年
契丹國志十年
契丹國志十一年
契丹國志十二年
契丹國志十三年
契丹國志十四年
契丹國志十五年
契丹國志十六年
契丹國志十七年
契丹國志十八年
契丹國志十九年
契丹國志二十年
契丹國志二十一年
契丹國志二十二年
契丹國志二十三年
契丹國志二十四年
契丹國志二十五年
契丹國志二十六年
契丹國志二十七年
契丹國志二十八年
契丹國志二十九年
契丹國志三十年
契丹國志三十二年
契丹國志三十四年
契丹國志三十六年
契丹國志三十八年
契丹國志四十年
契丹國志四十二年
契丹國志四十四年
契丹國志四十六年
契丹國志四十八年
契丹國志五十年
契丹國志五十二年
契丹國志五十四年
契丹國志五十六年
契丹國志五十八年
契丹國志六十年
契丹國志六十二年
契丹國志六十四年
契丹國志六十六年
契丹國志六十八年
契丹國志七十年
契丹國志七十二年
契丹國志七十四年
契丹國志七十六年
契丹國志七十八年
契丹國志八十年
契丹國志八十二年
契丹國志八十四年
契丹國志八十六年
契丹國志八十八年
契丹國志九十年
契丹國志九十二年
契丹國志九十四年
契丹國志九十六年
契丹國志九十八年
契丹國志一千年

按史是年十一月改元

遼史紀事本末

卷首

六

丁卯 戊辰 己巳 庚午 辛未 壬申 癸酉 甲戌

大正

六年七年八年九年十年
明道二年景祐元年

十一月改明道元年

太
平
七
年
八
年
九
年
十
年
十
一
年
興
嘉
祚
重
熙
二
年
三
年

契丹國志六	契丹國志七	契丹國志八	契丹國志九	契丹國志十	契丹國志景	契丹國志重	契丹國志二
年	年	年	年	福元年	熙元年	年	

按史是年六	按史是年十
月聖宗崩子	一月改元重
宗眞立改景熙	
福元年	

宗真立改景熙	福元年
--------	-----

乙亥 丙子 丁丑 戊寅 己卯 庚辰 辛巳 壬午

五

三年四年五年
寶元二年
二年
康定二年
慶曆二年

十一月改號
元元年

二月改康定十一月改慶
元年 應元年

重熙四年

五年

六年

七年

八年

九年

十年

十一年

年

契丹國志三

年

契丹國志四

年

契丹國志五

年

契丹國志六

年

契丹國志七

年

契丹國志八

年

契丹國志九

年

契丹國志十

癸未

甲申

乙酉

丙戌

丁亥

戊子

己丑

庚寅

宋宗慶

四年

五年

六年

七年

八年

皇祐二年

二年

重熙十二年

十三年

十四年

十五年

十六年

十七年

十八年

十九年

一年

契丹國志十

二年

契丹國志十

三年

契丹國志十

四年

契丹國志十

五年

契丹國志十

六年

契丹國志十

七年

契丹國志十

八年

契丹國志十

辛卯

壬辰

癸巳

甲午

乙未

丙申

丁酉

戊戌

宋宗慶

四年

五年

六年

至和二年

三年

嘉祐二年

三年

卷之三

三月改至和元年

九月改嘉祐元年

重熙二十年二十一年二十二二十三二十四年
遼興寧三年四年

契丹國志十契丹國志二契丹國志二契丹國志三契丹國志三
九年十年十一年十二年十三年
按史是年八月興宗崩子洪基立改元
興寧元年志同

己亥 庚子 辛丑 壬寅 癸卯 甲辰 乙巳 丙午

宋嘉祐五年六年七年八年
嘉祐二年三年

三月仁宗崩子繼立

遼興寧六年七年八年九年十年
咸雍元年二年

按史是年正契丹國志是月敗元年復號遼

丁未 戊申 己酉 庚戌 辛亥 壬子 癸丑 甲寅

宋徽宗 二年 三年 四年 五年 六年 七年

正月英宗崩子頊立

咸雍二年 四年 五年 六年 七年 八年 九年 十年

乙卯 丙辰 丁巳 戊午 己未 庚申 辛酉 壬戌

太平興國 九年 十年 元豐二年 三年 四年 五年

太康元年 二年 三年 四年 五年 六年 七年 八年

契丹國志咸契丹國志咸契丹國志咸契丹國志咸契丹國志咸契丹國志咸契丹國志咸契丹國志咸
 雍十一年 無雍十二年 雍十三年 雍十四年 雍十五年 雍十六年 雍十七年 雍十八年

改元太康
按史是年十
月改元太康

癸亥
甲子
乙丑
丙寅
丁卯
戊辰
己巳
庚午

宋徽宗
七年
八年
蔡元祐
二年
三年
四年
五年

三月神宗崩
子煦立

太康九年
十年
大安元年
二年
三年
四年
五年
六年

契丹國志咸
雍十九年
契丹國志咸
雍二十年
契丹國志咸
雍二十一年
契丹國志咸
雍二十二年
契丹國志咸
雍二十三年
契丹國志咸
雍二十四年
契丹國志咸
雍二十五年
契丹國志咸
雍二十六年

無改元大安

事

按史是年改

元大安

辛未 壬申 癸酉 甲戌 乙亥 丙子 丁丑 戊寅

宋徽宗 七年 八年 九年 **紹聖** 三年 四年 五年

四月改紹聖元年
六月改元符元年

大宋 七年 八年 九年 十年 **壽隆** 二年 三年 四年

契丹國志咸契丹國志咸契丹國志咸契丹國志咸契丹國志作
雍二十七年 雍二十八年 雍二十九年 雍三十年 壽昌

己卯 庚辰 辛巳 壬午 癸未 甲申 乙酉 丙戌

天祚 二年 三年 **壽隆** 二年 三年 四年 五年

正月哲宗崩弟信立

壽隆 五年 六年 七年 **天祚** 三年 四年 五年 六年

按史是年正月道宗崩孫延禧立改乾統元年

丁亥 戊子 己丑 庚寅 辛卯 壬辰 癸巳 甲午

宋徽宗 二年 三年 四年 **政和元年** 二年 三年 四年

乾統七年 八年 九年 十年 **天慶元年** 二年 三年 四年

乙未 丙申 丁酉 戊戌 己亥 庚子 辛丑 壬寅

宋徽宗 六年 七年 八年 **重和二年** **宣和二年** 三年 四年

十一月改宣和元年

天慶 六年 七年 八年 九年 十年 **保大元年** 二年

正月金克遼
天祚出奔魏
王清立改元
遼福六月没

金興統

二年三年四年五年六年

正月稱帝

大金國志天
大金正統元年
天金正統二年
天金正統三年
天金正統四年
天金正統五年

癸卯甲辰乙巳丙午丁未戊申己酉庚戌

宋徽宗

六年七年二年三年四年

十二月傳位
子桓

四月二帝北
狩五月康王
構即位南京
改建炎元年

保大三年四年五年

五月敵烈立
天祚子雅里
收元神歷十
月卒

金太祖天輔七年

八月太祖祖
弟太宗立改
天會嗣後另
見金史表

辛亥

宋徽宗崇寧

延慶八年

金熙宗天會

壬子

二年

九年

按史是年二
月天祚為金
擒遼亡

二年

癸丑

三年

十年

三年

甲寅

四年

康國元年

四年

乙卯

五年

二年

五年

丙辰

六年

三年

六年

丁巳

七年

四年

七年

戊午

八年

五年

己未 庚申 辛酉 壬戌 癸亥 甲子 乙丑 丙寅

宋徽宗 十年 十一年 十二年 十三年 十四年 十五年 十六年

康國 六年 七年 八年 九年 十年 **蒙古** 二年 三年

是年大石殺子夷列幼追命皇后權國

丁卯 戊辰 己巳 庚午 辛未 壬申 癸酉 甲戌

宋徽宗 十八年 十九年 二十年 二十一年 二十二年 二十三年 二十四年

咸清 四年 五年 六年 七年 **仁宗** 二年 三年 四年

是年后卒子夷列立

乙亥丙子丁丑戊寅己卯庚辰辛巳壬午

國 二十六年二十七年二十八年二十九年三十年三十一
三十二年

六月禪位
子春

紹興 六年七年八年九年十年十一年十二年

癸未甲申乙酉丙戌丁亥戊子己丑庚寅

宋 二年三年四年五年六年

紹興 十三年十六年十七年十八年十九年二十年二十一年

是年夷列殺
子幼還命以
妹普速完權
國

辛卯壬辰癸巳甲午乙未丙申丁酉戊戌

李壽八年九年瀋二年三年四年五年

李壽九年十年十一年十二年十三年十四年李壽

是年后被弑
夷列次子直
魯吉立

己亥庚子辛丑壬寅癸卯甲辰乙巳丙午

李壽七年八年九年十年十一年十二年十三年

天祚三年四年五年六年七年八年九年

丁未戊申己酉庚戌辛亥壬子癸丑甲寅

皇朝曆年十五年十六年
光緒二年三年四年五年

二月禪位太子

七月禪位太子

天禧十年十一年十二年十三年十四年十五年十六年十七年

乙卯丙辰丁巳戊午己未庚申辛酉壬戌

宋真宗二年三年四年五年六年
嘉泰二年

天禧十八年十九年二十年二十一年二十二年二十三年二十四年二十五年

癸亥甲子乙丑丙寅丁卯戊辰己巳庚午

宋徽宗四年
開禧二年三年
嘉泰二年三年

天禧二十七年二十八年二十九年三十年三十一
年三十二年三十三

辛未

宋徽宗

天德三年

是年秋出獵

乃整王屈出

律伏兵擒之

西遼亡

按錢塘汪君遠孫作遼史紀年表自太祖迄天祚
 九主凡二百一十九年而以契丹國志與史異者
 附註於後別爲西遼紀年表始宣和甲辰迄嘉定
 辛未三主二后幾九十年據錢氏大昕十駕齋養

新錄以駿正萬氏斯同紀元彙攷之誤源委秩然
瞭如指掌第揆諸綱目大書分注之例稍有未符
爰不揣譎陋合爲一表其間正閏敘次畧爲變通
庶不失先河後海之義云爾萍鄉李有崇芾生甫
謹識

遼史紀年表

遼史紀事本末卷一

貽封資政大夫特賞內閣中書前江西峽江訓導萍鄉李有棠編纂

太祖肇興

後梁太祖開平元年春正月庚寅遼太祖自稱天皇

帝太祖之先出自炎帝

攷異後周書嘗稱遼爲炎帝後而耶律儼謂係軒轅之裔

儼志晚出當從周書

世爲森濟

原作審吉

國有葛鳥兔者世雄朔陞

號東胡漢時爲冒頓汗所滅保鮮卑山稱鮮卑氏魏

青龍中部長軻比能爲幽州刺史王雄所害散徙潢

水之南

攷異顧祖禹方輿紀要云潢河在克什克騰界蒙古名錫喇穆稜東北流會諸水逕巴林

及科爾沁等境入於遼卽遼河之西一源也齊召南水道提綱云大遼水卽潢水古稱饒樂水濫真水托

乾臣水吐護真水皆卽此河今蒙古稱西喇木倫猶
漢言黃河也按富鄭公行程錄云自中京正北行四
百八十里度潢水石橋旁有饒黃龍之北晉時普回
州蓋唐朝嘗於此置饒樂州
子莫那白陰山歐陽忞輿地廣記云陰山古北戎地
東西千餘里爲匈奴苑囿戰國屬趙
武靈築長城自代並陰山下至高闕爲塞秦逐匈奴
自榆中并河以東屬陰山爲三十四縣漢初復爲匈
奴據武帝收復置陰山縣屬西河郡匈奴失之每過
此未嘗不哭東漢省入西安陽屬五原郡唐因之與
通濟縣均隸安南徙始居遼西隋置以處粟末靺鞨
北大都護府
縣改爲遼西郡唐爲遼西縣遼廣九世爲慕容晃所
縣仍號順州在柳城燕郡之北
滅復竄松漠之間攷異楊慎丹鉛錄云晉書慕容氏
邑於紫濛之野遼嘗取以名館蓋
以慕容自比也韓魏公奉使過紫濛遇風詩云草白
岡長暮驛賒朔風終日起平沙寒鞭易促陣泥羅冷
袖難勝便面遮迴嶺卷回雲族破遠天吹入雁行斜
土囊微乞絨餘怒留送歸程任擺花見安陽集又王

珪詩亦有雷急紫濛催玉勒日長青瑣聽薰絃之句
潘永因宋稗類鈔云宋人送人使遼詩多以青瑣對
紫濛卽指此按地理志永平府有紫蒙縣本漢鑊芳
縣地後漢書鑊芳作鑊方祝穆元混一方與勝覽載
入大興府今魏時始號契丹有奇善汗首原作奇者生
莫詳其處矣
都庵山其八子後分爲八部丹攷異營衛志云一錫萬
赫原作何大何三佛佛頁原作伏佛郁四裕嚕原作
羽陵五錫琳原作吐六于連六博怡原作匹絮七理原作
黎入圖嚕原作吐六于連六博怡原作匹絮七理原作
始祖奇善汗廟在南克敦廟在北并八子像在焉每
行軍必祭之魏書何大何作阿大何伏佛郁作具伏
郁匹絮作匹黎爾吐六于作叱六手世表錫萬丹作
欣服萬丹佛佛頁作伏弗郁錫琳作日速又謂若奇
善汗和拉汗蘇汗兆古汗皆遼之先而世次不可考
太祖紀贊云可知者自魏末美佛赫異世表作莫弗賀攷
奇善汗始所載各異
一紀係烏雲原作畏高麗蠕蠕魏書東胡苗裔也姓郁
官烏雲勿于畏高麗蠕蠕久闕氏神元末掠得一

遼史紀事本末卷一

二

奴字之曰木骨閭木骨閭者首禿也與郁久間聲相近故子孫因以為姓初依純突隣部得百餘人死于車鹿會雄健有部衆自號柔然世侵逼帥衆萬餘口祖以其無知狀類蟲故號為蠕蠕

內附居白狼水東攻異隋書作白狼河北齊時嘗犯塞軍敗復

為突厥所逼附高麗隋開皇間款塞內附部落漸衆

依赫辰原作水在遼西正北二百里見營衛志而居地亘數百里分

為十部史逸其名攷異邵經邦宏簡錄云與庫莫奚同類異種其居曰梟羅箇沒里乃鮮卑故地

隋書云太業初入寇詔韋雲起護突厥兵討敗唐武

德初其君達呼爾原作氏攷異王傳東都事畧云契丹之先有一男子乘白馬

一女子駕灰牛相遇於遼水上遂阻冷陁山方輿紀要云在

為夫婦即大賀氏也世表未載阻冷陁山要云在

福餘衛境潢水之南黃龍府之北攷異欽定日下

舊聞考引問次齋稿云居庸亦謂之冷陁稼堂雜鈔

云居庸亦曰冷陁陁又作硯新唐書孫佺爲幽州都督率兵十二萬討奚李大酺分三屯以副將李楷洛周以梯領之太冷陁楷洛與大酺戰不勝是也述征記太行首始河內至幽凡八陁一軹關陁二太行陁三白陁四澄口陁五井陁六飛狐陁七蒲陰陁八軍都陁陁軍都卽居庸也太行山山海經作五行山列子作大形山張鷟朝野僉載云佺出軍日白虹垂頭於軍門大星落營內軍行後幽州界內烏鴉爲並隨軍去經二旬軍沒烏鴉食其肉焉李處郁諫薛訥寓書皆不聽張庚通鑑地理通釋糾繆云通鑑注陁北冷陁山之北按冷陁以自固臣於突厥爲俟斤其帥山在今兀良哈境

孫敖曹等嘗來朝貞觀中和卓原作乾主攷異唐書卓世表此珠奇唐書作由據攷異來歸置元州以珠奇爲刺史酋長庫克原作窟哥攷異徐夢舉部內屬置松漠都督封無極男賜姓李仍分爲八部攷異營衛志云

遼史紀事本末

卷一

三

唐太宗以德濟部爲峭落州赫伯部爲彈汗州都嗎
部爲無逢州芳阿部爲羽陵州國勒彬部爲日連州
芮奚部爲徒河州及松漠府爲十州唐書地理志德濟
山二州並元州及松漠府爲十州唐書地理志德濟
作達稽赫伯作紇便都時作獨活芳阿作芬阿圖勒
彬作突便卓津作堅斤富作伏又日連作白連徒河
作徒何世表芳阿作芬問此唐初八部也至約尼氏
八部則一達爾札二伊斯理三舍理四諾爾威五頗
摩六訥古濟七濟勒勤八實袞合始祖聶嗎別統塔
喇部並約尼氏共爲十部亦見營衛志而歐陽修五
代史云八部一但利皆二乙室活三實活四納尼五
類沒六內會雞七集解八奚唄葉隆禮契丹國志但
利皆作祖皆利乙室活作乙室語頻沒作類沒路振
九國志納尼作納尾云地方三千屬縣四十有一
納御批通鑑輯覽云一達爾節二伊斯釋三舍釋四
各殊至太祖析九帳三房族列二十顯慶中以辱和
部聖宗增爲五十四部天下莫强矣

卓爲刺史庫克死與奚叛命行軍總管阿實達阿原史

那樞賓出沙磧道擒松漠都督鄂博庫原作阿不固

作固獻東都庫克孫盡忠與敖曹曾孫萬榮為歸誠

州刺史者攻異庫克孫日金瑪里彈汗州刺史日盡忠松漠都督馬端臨文獻通考及舊唐書

均以盡忠為庫克曾孫敖曹曾孫新唐書作孫歸誠

州係屬州網目作媯州馮智舒直作誠州且譯為

州謬甚殺趙文翹以叛武后遣曹仁師等伐之屢

敗唐兵嗣盡忠死萬榮復熾尋為張九節所殺達呼

爾氏微別部長果珍原作代之果珍尋滅致異世表

年盡忠從父弟失活歸唐拜都督封松漠郡王置靜

析軍為經略大使尋死諸弟繼立均為衙官格圖肯

所弒降突厥張守珪破走之果珍斬格圖肯以降封

北平郡王復為其下聶時所弒契丹中衰唐書永樂

公主為東平王外孫楊元嗣女下嫁失活明年失活

死贈特進又新舊唐書格圖首作可笑于陳極五代

遼史紀事本末

卷一

四

史補編云盡忠死傳從弟失活失活傳沙固為可哭
于殺弟鬱于嗣鬱于死弟咄于嗣可哭于復逐之弟
邵固立可哭于嗣鬱于殺之立屈列以附于笑厥張守珪討
殺可哭于詔封過折為北平王王應麟玉海云開元
五年欲去之反為所攻娶固封有可哭于遣使謝罪詔赦
之許邵固襲王明年可哭入朝不為宰相李元紘
所禮鞅鞅去後二年遂殺邵固立屈烈降笑厥忠王
浚率節度趙含章擊破之可哭于走奚德噶原作部
衆降明年盜邊為守珪破滅所載各異德噶原作部
長聶噶原作涅里攷異汪輝祖遼史同名錄云卷十
宗紀大安五年知北院大王事遷遼興節度卷三
天祚紀北遼宣帝小字卷六十二刑法志天祚時行
軍將軍五入同名涅里又世表作泥人立達年札里
禮亦作泥里陳大任作雅里係一作人立達年札里
迪輦糺里攷異世表作頤里亦作為蘇爾威汗原作
祖里陳糺五代史補編作頤里亦作為蘇爾威汗阻午
汗可更號約尼原作遙輦氏天寶四年降唐賜姓名李

懷秀尋叛唐攷異唐書天寶四載李懷秀降拜松

靜樂公主妻之是歲遣將珠勒格科里原作只里拒

殺公主叛通考畧同安祿山兵潢水大敗之唐更封且樂原作楷落攷異

爲恭仁王楷洛子卽光弼而聶嘑輔之立制度置官

屬勢益強攷異世表云契丹王齊蘇號伊蘭汗亦作

巴拉汗亦作巴拉可汗咸通中兩入貢時河北道隔

世次不可考王溥五代會要云唐會昌中幽州張仲

武表其王屈戌請賜印篆爲奉國契丹之印按屈戌

卽齊蘇亦見高麗古今注李燾續通鑑長編云溥榆

次人宋史本傳作并州祁人蕭罕嘉努云先世約尼

氏溫之後溫亦作注國祚中絕自聶嘑立蘇爾威汗

大位始定今以唐史遼史參考達呼爾氏絕於實古

亦作邵固聶嘑所立則懷秀也其間唯庫哩果珍二

世庫哩乃格圖肯所立不知其世系爲果珍殺果珍

以別部長爲聶嘑殺唐史稱聶嘑爲格圖肯餘黨則

遼史紀事本末

卷一

五

溫汗者殆為庫哩耶按庫哩原作屈聶噶生必塔列唐書及通考均作屈烈所載各異

毗必塔生海蘭原作海蘭生努爾蘇異世表云為大

祖四代祖官德噶部額爾奇木會敗大度寡欲令不

安祿山兵適當懷秀之世所載又異

嚴而人化國勢復振是為肅祖后蕭氏小字卓沁原

三年追尊昭烈皇后與肅祖同肅祖生薩刺達原作

諡見王圻續文獻通考諡法考肅祖生薩刺達原作

德是為懿祖后蕭氏小字伊勒希原作牙里辛生男

祖同懿祖生伊德實原作伊德實攷異卷五十八

諡稼善牧國益殷富是為元祖后蕭氏小字鄂爾多原

所害后養居恐不免命四子往依隣家塔雅克乃獲
安太祖生后懼有陰圖害者命鞠之別帳重熙中追
尊簡獻皇后元祖生色勒達原作撒刺的攷異蕭罕
與元祖同諡嘉努傳作的魯葉隆禮

契丹國志作幹里趙志忠仁民愛物始置鐵冶是為北庭雜記作幹里今從紀

德祖即太祖父也世為約尼部額爾奇木

原作夷商堇攷異通

鑑輯覽作額勒金蕭罕嘉努傳重熙十三年疏請依唐典追崇四祖許之始行追崇元德二祖之禮續通考云遼初諸帝各有廟又有原廟如凝神殿之類儀制簡樸有太古之風焉統和十三年始奉安景宗及太后石像於延芳淀十四年二月復奉安二像於乾州開泰元年十二月奉遷南京諸帝石像於中京觀德殿景宗及昭德后石像於上京五鸞殿八年正月建景宗廟於中京九年十二月詔中外建太祖廟皆從古制重熙十三年用蕭韓家奴言追尊四祖為皇帝太康二年八月修乾陵廟其一代廟制可考者如此

執其政柄弟蘇呀

述原作述瀾係一人惟作兄稍異皇子表德祖兄三人長瑪魯早卒次揚珠為德呀部額爾奇木三寶嚕為裕悅考百官志裕悅班百僚之上非有大功德者不授太祖紀云伯父當國疑即咨焉當即實嚕也

北征西討已有廣土

衆民之意至太祖受哈陶津汗之禪約尼

原作遙輦
攷異新唐

書作氏遂亡

攷異世表名欽德原作痕德厯可汗實
將之族是爲哈陶津汗光啟中抄掠奚

室韋諸部落皆役服之數與劉仁
恭相攻晚年政衰安巴堅代立

太祖姓耶律氏

攷

世表作錫里氏與達呼爾約尼號三耶律宏簡錄謂
遼始興之地名世里譯爲耶律故以爲姓與歐史同

陳經五代史補編號審吉氏按耶律亦作移刺譯音
之轉也世與耶聲不相近疑爲也字也與耶正相轉

見錢大昕潛研堂集周春遼詩話云迭烈部長雅里
分三耶律爲七一遙輦二大賀三世里二者之名尙

已蓋本當時部族之號至阿保機始以爲姓後又總
稱耶律也契丹世系本不足信大約由鮮卑而宇文

由宇文而契丹隋唐之際號大賀氏遙輦爲大賀之
更號世里卽遙輦之別支三者同原非蕭氏比也契

丹字書爲移刺漢字書爲耶律國語解云無考就金
人移刺爲劉觀之知本契丹語而金人沿之也太祖

命耶律族姓劉氏則耶律特契丹語改爲劉字後人
附會爲一耳迭烈作移刺正所謂因部族爲姓也葉

志曰以所居之地名世里著姓世里者上京東百里地名也今名世里沒里以漢語譯之謂之耶律亦與

歐史同而元許衡遺書亦謂遼為契丹德嘒部轄塔

主一姓劉太祖紀及葉志未載為契丹德嘒部轄塔

哩原作錫喇伊色哩錫林石烈鄉耶律穆嚕原作密拉

人諱億字安巴堅志忠陰山雜錄云番名阿保機攻異趙

李琪金門集有賜契丹詔乃稱阿保機當時書詔不

應有悞見厲鶚遼史拾遺按安巴堅滿州語大理也

舊作阿保機今譯改而金門小字多爾濟原作啜唐

集賜詔作阿布機詳歸田錄小字伊木沁原作巖

咸通十三年生母曰宣簡蕭后母斤約尼氏宰相剔

刺女生男女六人長子太祖重熙夢日墮懷中有娠

中追尊宣簡皇后與德祖同諡及生室有神光異香祖母簡獻皇后異之鞠為己子

既長身長九尺關弓三百斤為塔瑪噶賽特馬絨沙

遼史紀事本末

卷一

七

里陳經五代史補編云猶中國扈從官數立功國人

服之號為阿主沙里攷異皇族表楚國王揚珠孫珊

蘇庫亦為是官但時小黃室韋不附以計降之攻克

上多一捕字疑衍

裕爾庫原作越兀及烏爾古原作烏古六奚畢沙叙原作比諸

部唐天復元年歲辛酉哈陶津汗立以為本部額爾

奇木專征討連破室韋伊濟原作于厥及奚帥錫爾格原作

轄刺俘獲甚眾明年秋七月以兵四十萬伐河東貞觀

中分天下為十道河東領蒲晉絳汾隰并南汾箕沁

嵐石忻代朔蔚澤潞等州方輿紀要云河東太原府

一名并州唐為北都後唐為西京又改北京攷異尚

書集注云舜以冀青地廣始分冀東恒山之地為并

州周禮全解云冀在商離而為二故有冀而有幽在

周離而為三故有冀又有幽并故周之冀州小於禹

貢爾雅疏云禹別九州有青徐梁營是周制也此有徐

制也周禮有青并幽而無徐梁營是周制也此有徐

幽營而無青梁并是殷制也見日下舊聞考輿地廣
記云河東路領太原潞晉麟府絳代慈隰忻汾澤憲
嵐石遼豐威勝平定岢嵐甯化火山保德晉甯太原
府秦置漢因之兼置并州魏晉為太原國後復舊唐
初為北都改太原府領河東節度後為劉崇據宋因
唐舊縣九陽曲太谷榆次孟壽陽交城文水祁清源
河北克郡縣永樂大典作代北兵衛志云太祖伐代北
方輿紀要云代州趙武靈置雁門郡後魏為繁時郡後周為
記云代州改代州唐因之攻下九郡九月城龍化州於
肆州隋改代州唐因之攻下九郡九月城龍化州於
縣四雁門崞五臺繁時
潢河之南地理志云龍化州為興國軍太祖於此建
神冊太宗升觀察為節度隸彰德宮治龍化縣攷異
陳經五代史補編云龍化州為始祖奇善汗故地稱
龍庭古漢明年春下女直復攻克河東懷遠等軍冬
安平縣
十月引軍略薊北方輿紀要云薊州在順天府東二
百里秦置漁陽郡晉為燕國及北

平郡地後魏仍置漁陽郡隋廢立元州大業初復故
唐廢郡屬幽州開元十八年置薊州遼爲尙武軍攷
異王應麟通鑑地理通釋云武王封黃帝之後於薊
又封召公於北燕或曰黃帝之後封於薊者已絕成
王更封召公奭於薊爲燕通典釋文云黃帝姓姬君
奭卽其後朱彝尊主之帝王世紀云召公爲文王庶
子蘇轍其後朱彝尊主之帝王世紀云召公爲文王
筆談云予使遼入界見大薊茭如車蓋中國無此大
者其地名薊恐因此如揚州宜楊荊州宜荊之類釋
智樸盤山志云獨樂寺在薊州治西南遼時重修有
翰林承旨劉成碑統和四年孟夏立石其文略曰故
尙父秦王請談真大師入獨樂寺修觀音閣以統和
二年冬十月再建上下兩級東西五間南北八架大
閣一所重塑十一面觀世音菩薩像元好問中州集
云晉行軍司馬韓繼甯從出帝北遷居析津曾孫知
白仕遼爲中書令孚爲平章事賜田盤山遂爲漁陽
人郭遠卿碣石叢談云薊鎮三屯城東北二十五里
爲芹萊山遼進士馮唐卿於山前結蘆種芹自結三
屯營居中爲本道重鎮東至山海關三百五十里西
至黃花鎮四百里紀要又云石門鎮在薊州東六十

里其中洞門俗呼石門口宋宣和五年倂獲以還先

是俘奚七千戶徙饒樂之清河方輿紀要云唐置饒

為名古營州地明大甯衛也遼統至是創為奚德略

部分十三縣拜太祖裕悅原作總知軍國事明年春

三月廣龍化州之東城攷異趙志忠北庭雜記云太

京於其南木葉山置南樓於其東置東樓於其北三

百里置北樓四季常游獵於四樓之間陳桎五代史

補編云建東樓以紀功方輿紀要云東樓為龍化州

西樓為祖州復於永州建南樓在臨潢南亦曰永昌

其北樓未載九月討黑車子室韋唐盧龍節度使

部幽州節度使唐劉仁恭深州樂壽人攷異孫光憲

亦稱盧龍攷見下劉仁恭北夢瑣言云仁恭嘗夢佛

數萬來救霸至武州

後攷詳

太祖謀知之伏勁兵桃山

下遣室韋人摩哩

原作牟里

詐稱其酋長所遣約霸兵會

平原既至伏發擒霸殲其衆乘勝大討室韋

攷異司馬光資

治通鑑云唐天復三年十一月唐盧龍節度使劉仁

恭習知契丹畏情偽常選將練兵乘秋深入踰摘星嶺

擊之契丹畏死常以良馬賂仁恭輒遣人焚塞下野草契

丹馬多饑死常以良馬賂仁恭買牧地阿保機遣其

妻兄阿鉢將萬騎寇榆關仁恭遣子守光戍平州僞

和設宴犒賞於城外酒酣執之以入虜衆大哭後以

重賂贖還按此事明年秋七月唐河東節度使李克

用在去年附載於此

用沙陀部人國昌子平黃巢亂封晉王攷異孫光憲

暴溢及年十二三能用生時紅光燭室白氣充庭井水

能中之曾於新城北以酒酬毗沙門塑像請交談天

王披甲持矛隱隱出壁間或所居帳內時如火聚及

龍形人咸異之嘗隨父國昌征麗助軍陣出沒如神

呼為飛虎子眇一目號獨使來乞盟冬十月會克用

於雲州與地廣記云雲州本戎狄地戰國屬趙秦漢

州唐置北平城縣後改雲州復為雲中郡升大同軍縣

一雲中本平城縣後魏改太平隋亦曰雲內唐改定

襄攷異方與紀要云唐為大同軍遼建為西京大同

府府南六十里懷仁縣唐雲中縣地遼置因阿保城

與克用會東城取懷約為兄弟宴酣克用借兵以報

想仁人之意因名

劉仁恭木瓜澗之役攷異歐史云仁恭叛晉克用以

大敗薛居正五代史亦云許之遂進兵擊仁恭拔數

攻安塞大敗於木瓜澗

州徙其民而歸梁攷異歐史及綱目通鑑均云約共擊

五代史補編云克用遣康令德通好會雲中進擊仁

恭拔數州期共擊梁許之或勸克用於會拘之不允

嗣阿保機知之乃背盟更附梁克用恨之通鑑目錄

繫於梁開平元年後唐太祖紀年錄云太祖以阿保

機族黨稍盛召之天祐二年五月阿保機領其族衆
三十萬到東城帳中言事握手甚歡約爲兄弟旬日
去留男骨都舍利首領沮橐梅爲質見遼史拾遺按
雲中之會遼史在天祐二年乙丑薛史在天祐四年
丁卯所載互異見楊明年春二月復擊仁恭還擊山
復吉遼史拾遺補
北奚破之汴州方輿紀要云古豫州境唐號汴州亦
府攷異吳處厚青箱雜記載詔略云興王之地的受命
之邦集大勲有異庶方沾慶澤所宜加厚故豐沛著
啟祚之美襄鄧有建都之榮用壯鴻基且旌故里與
地廣記云汴州春秋爲衛陳鄭三國境東魏置開封
郡兼立梁州後周改汴州唐因之領宣武節度縣十
四開封祥符尉氏陳留雍邱封邱中牟陽武酸棗長
垣東明扶溝鄆陵咸平于慎行穀城山房筆塵云五
代及宋以洛陽爲西京汴梁爲東京王鳴盛十七史
商榷云晉漢周皆都朱全忠賜今名父誠生于三全
此惟後唐都洛陽
忠居遣人浮海奉書幣來聘攷異耶律都沁傳梁遣
季

都沁曰梁名求材實覘吾輕重宜答曰材之所生必
深山窮谷有神司之須白鼻赤驢禱祠然後可伐如
此必語塞果然然紀未載都沁字敵輦六院部人祖巴
古濟約尼氏時再為額爾奇木耶律朗德等既害元
祖暴橫益肆巴古濟以計誘其黨悉誅之都沁十一
幼有志節太祖為裕悅常居左右天顯二年卒十一
月遣兵討奚霫諸部及東北女直之未附者悉破降
之十二月哈陶津汗殂遺命禪位於帝嚇嚕等勸進
太祖三讓從之遂於明年歲丁卯春正月設壇於舒
伊旺尼珠琿溫原作如迂卽位改元攷異歐史云遙輦次立為劉仁
恭所攻八部謂其不任事選於衆得安巴堅既立值中國多故
則立幽公議非遺命又謂安巴堅既立值中國多故
漢人歸者衆告以中國之主無代立者因立九年更
不求代諸部責之乃請自為一部帥種落居古漢城
灤河上築城種田以計誘八部大人來會盡殺之并
為一部與唐書通鑑葉志合世表欽德政衰八部大

人法當三歲代安巴堅自為一部不受代自稱王亦
 未言通命及誘殺八部大人賈緯備史云後唐武
 皇會阿保機於雲中阿保機曰我蕃中酋長舊法三
 年則罷若他日見公復相禮否武皇曰我受朝命鎮
 太原亦有遷移但不受代何憂罷乎阿保機用其教
 不受代趙志忠北庭雜記云時有韓知古韓穎康枚
 王奏事王郁皆中國人共勸太祖不受代薛史云阿
 保機於漠北作西樓邑屋門皆東向如車帳法城南
 別作一城以實漢人名漢城城中有佛寺三僧尼干
 人宋白續通典云契丹居遼澤之中潢水南岸其地
 東南接海東際遼河西包冷陁北界松陁山東西三
 千里地多松柳澤多蒲葦漢城在檀州西北五百五
 十里城北有龍門山山北有炭山山西界連室韋其
 地灤河上源西有鹽泊之利則後魏滑鹽縣也滑鹽
 本漢縣故城在今熱河西南炭山在今宣化府獨
 石口外續通考云太祖元年正月己未白氣貫日尊
 母蕭氏為皇太后立皇后蕭氏北宰相蕭實喇

原作

南宰相耶律烏魯斯

原作歐里思亦作渥里思六院額爾奇木巴古濟後攷異陳浩

遼史攷證云卷八十五薩哈勒傳父南宰相歐里斯

係一人卷八十一歐里思傳西南招討卷十九興宗

紀重熙十三年知黃龍府事亦作歐里斯均另一人

按太祖朝為北宰相者實喇外尚有蕭敵魯耶律廸

里古耶律廸輦蕭實魯蕭阿古只蕭霞的惟實魯以

謀反誅均見太祖紀又蕭痕篤見本傳為南宰相者

烏魯斯外尚有耶率羣臣上尊號曰天皇帝后曰地

律蘇亦見太祖紀

皇后 二月征黑車子室韋降其八部 夏四月丁

未朔唐朱全忠廢其主等弑之而自立國號梁遣使

來告攷異歐史梁王即位四月其明年正月弑濟陰王梁諡為

哀帝後唐明宗追秋七月乙酉幽州攷異杜佑通典

諡昭宣光烈皇帝

其地北至幽陵楚辭注云幽陵猶幽州也堯典云宅

朔方曰幽都山海經云北荒有幽都之山淮南鴻烈

解云西方有不周之山曰幽都之門舜典曰流共工

於幽州州名始此通典注云幽州因幽都山以為名

尚書集注云卽東北暨無閭之地梁載十道志云殷
省幽併冀周禮總義云殷復舊周以幽州兼殷之營
州樂史太平寰宇記云漢初爲燕國武帝置十三州
改爲幽州唐初設總管府管幽易平檀燕北燕營遼
八州領縣八天寶初改范陽軍實應中李懷仙降稱
盧龍軍與地廣記云幽州前燕慕容儁都此隋立涿郡
廣陽郡東漢兼立幽州前燕慕容儁都此隋立涿郡
唐爲幽州縣九薊縣幽都廣平潞武清永清安次良
鄉昌平續通考云遼爲南京幽都府盧龍軍開泰中
改永安析津府領順檀涿易薊景六州析津宛平昌
平良鄉潞安次永清武清香河
玉河潮陰十一縣紀載各殊

劉守光兄守奇率衆

來降置之平盧城時守光囚其父仁恭自稱節度使

攷異通鑑云仁恭築館大安山上怒其子守光烝其
妾羅氏逐之會梁兵攻城拒却之令部將李可喜攻
大安山虜仁恭囚之別室弟守奇奔河東末言降契
丹且作弟異方與紀要云大安山在房山縣北八十
里山高險薛居正曰大安幽州西名山也史稱仁恭
於此創宮觀師鍊丹羽化之術於方士王若訥因割

薊縣分置玉河縣以供給之唐書云仁恭築館大安
山掠子女以充之招浮屠講法禁南方茶自擷山爲
茶號山爲大冬十月乙巳討黑車子室韋破之
恩以邀利

二年春正月癸酉朔御正殿受百官及諸國使朝辛

巳始置特哩袞

原作楊隱

典族屬以皇弟薩喇

原作撒刺攷異皇子

表無名撒刺者皇族表赫嚕子撒刺未仕惟呼克字
錫蘭原作率懶太祖卽位爲特里袞或音近致訛汪
輝祖遼史同名錄云卷七穆宗應歷十七年鹿人被
殺卷十五聖宗開泰四年侍御卷六十五公主表世
宗女卷七十三赫嚕傳赫嚕子卷九十九爲之河
耶律薩喇傳始平節度六人同名撒刺

東李克用卒子存勗嗣遣使弔慰

存勗克用長子卽後唐莊宗母曹氏

攷異薛史云莊宗襲位遣使告哀於契丹賂以金繒
求騎兵救潞州答曰我與先王爲兄弟兒卽吾兒也
豈有父不教子耶許出師會潞平而止紀未載孫光
憲北夢瑣言云莊宗年十一從晉王平王行瑜獻捷

昭宗一見異之謂有奇表撫其背曰我兒將來之國棟勿忘忠孝賜鵲鵲酒厄翡翠盤十三讀春秋略知大義騎射絕倫殆劉聰比昭宗

夏五月癸酉遣薩

謂此子可亞其父時因號亞子

喇討烏丸黑車子室韋 冬十月己亥朔建明王樓

築長城於鎮東海口遣輕兵取托歡

原作吐渾

叛入室韋

者攷異續通考是年八月幽州進合歡瓜通鑑目錄是年梁賜阿保機詔欲與共滅沙陀然後封册王欽若册府元龜云梁建國阿保機遣使貢名馬女口貂皮求封册梁與書曰朕今天下太平惟太原未服卿能長驅兵甲徑至新庄爲我剪彼仇讐便行封册紀均未載

三年春二月丁酉朔梁遣郎公遠來聘

攷異通鑑梁開平元年五

月契丹遣袍笏梅老來通好帝遣太府少卿高順報之二年五月契丹遣使隨高順入貢且求册命帝復遣司農卿渾特賜以手詔是契丹聘梁二年中連有兩使而紀未書但書郎公遠是梁之專使非報使也

修史者各尊其本國如此按薛史於是年二月書契
丹貢良馬歐史於袍笏梅老來繫之元年四月而五
月戊寅書契丹遣使者來二年二月五月兩書遣使
者來王溥五代會要二年五月之使名解里貢細馬
貂裘男口一名蘇女口一名譬述律后貢朝霞 三
錦前國王欽德及大臣皆有貢獻紀載各殊
月滄州輿地廣記云春秋為趙齊二國境宋置樂陵
郡元魏為滄水郡尋立滄州隋改棣州後復
舊唐號景城郡縣五清池郡無棣鹽山樂陵南皮攷異
方輿紀要云在河間府東百五十里漢晉為渤海郡
地即橫
海軍 節度使劉守文為弟守光所攻乞兵討之命

皇弟錫里原作舍利攷異錫里滿州語素攷異皇子

祖弟無名素者惟蘇於神冊三年為特里表或是年

先為錫里汪輝祖遼史同名錄云卷二太祖紀皇弟

南宰相卷四太宗會同四年吐谷渾夷藁卷二十
二道宗清甯九年護衛卷六十三世表遼先世遙輦
卷十二聖宗統和五年遙郡刺史卷九十六耶律良
傳良小字道宗時中京留守六人同名蘇陳士元諸

遼史紀事本末

卷一

古

史夷語云太祖有從兄名鐸骨札以本帳下蛇鳴命知蛇語者神速姑解之知蛇謂穴旁下有金鐸骨札掘之乃得金以爲帶額爾奇木蕭達魯原作敵魯率師會名龍錫金紀未載

守文於北淖口進至橫海軍近淀一鼓破之守光潰

去因名北淖口爲會盟口

改異歐史云時守文討守光敗於蘆水及玉田乃乞

兵契丹明年守文將吐渾契丹兵四萬戰於雞蘇若守光兵敗守文呼曰毋殺吾弟遂爲守光將元行欽所擒薛史但言率滄德之師討之未言契丹兵雞蘇若在薊州西冊府元龜云守光擒守文復繫之別室進攻滄州賓佐呂充孫鶴推守文子延祚爲帥守光携守文於城下攻圍累月城中乏食人相屠殺以供軍號宰殺務危酷之狀遠古未聞未幾降守光以子繼威爲滄帥張萬進佐之所載較詳冬十

月己巳遣鷹軍討黑車子室韋破之

是年閏八月契丹遣首領葛鹿

等使梁貢甲馬鞍轡等物見冊府元龜

四年秋七月戊子朔以后兄蕭達魯

原作敵魯卷七十三有傳攷異

汪輝祖遼史同名錄云卷七穆宗應歷十七年薦人被殺卷十五聖宗統和二

十二刑法志興宗時烏爾古德喀部詳袞卷一百一蕭呼敦傳曾祖卷一百八傳統和時節度六人同名

敵魯為北府宰相冬十月烏滿山奚庫濟

原作及札庫支

魯特原作查超默特

原作鋤

等叛討平之

攷異王溥五代會要

是年四月契丹遣實柳梅老使梁朝貢紀未載

五年春正月丙申親征西部奚奚阻險叛服不常數

招諭弗聽是役所向輒下遂分兵討東部奚亦平之

於是盡有奚霫之地

攷異營衛志云太祖滅奚置奚王府分六部曰約囉曰伯特日

敖拉日瑪展日綽囉日托輝設官主之曰奚六部大王趙志忠北庭雜記云太祖一舉併吞奚國仍立奚

人爲奚王命契丹監押兵甲舊唐書云霫爲匈奴別
種在京師東北五千東接靺鞨西至突厥南至契
丹北與烏羅渾接地周二千里四四面皆山環繞善射
獵好以赤皮爲衣緣婦人貴銅釧衣襟上下懸小銅
鈴有都倫紇斤部落四萬戶勝兵萬餘人志云東胡
別種曰霫唐時居鮮卑故地一名白霫等內附號居
延東際海南暨白檀縣方輿紀要云白檀廢縣在密雲
昌平山水記云密雲山一名橫山郡所以名也縣南
二十里爲白檀山漢所以名縣也高士奇塞北小鈔
云潮河在密雲山東南自古北口流西踰松漠北抵
入縣界西南流至順義合於白河
潢水方輿紀要云奧支水出冷凡五部咸入版圖
三月次灤河炭山流經雲州入舊開平衛境及古北
口邊外由薊州遵化縣入內地經永平府遷安縣東
至府西合漆河經灤州東至樂亭縣入海攷異吳曾
能改齋漫錄云寶萃新唐書音訓本紀灤河曰灤力
官切灤水出奚國都山諸書山海經並無此字惟見

於切韻又忠義列傳灤河曰音樂今大遼平州東臨
灤河是也按北鄙須知大遼有灤州西至燕京五百
里有灤河縣至灤州四十里平州西至燕京八百里
以此見灤河縣在平州西寶以爲在東非也厲鶚云
灤州所統遼史止義豐馬城石城三縣並無灤河北
鄙須知誤也高士奇松亭行紀云灤水前皆無名漢
書地理志遼西郡肥如縣注元水東入濡水濡水南
入海陽顏師古曰濡音乃官反遼史黃洛水北出盧
龍山南流入於濡水而五音集韻云濡水名一作渙
在遼西肥如海陽濡奴官切蓋音灤也方以智通雅
云濡乃官反今字書韻奴官切蓋音灤也方以智通雅
而無濡且渙灤字形相似豈古或通用而然耶按遷
安本漢令支縣遼爲安喜縣金改今名白夏遷安縣
志云龍紀城在縣北二十里遼蕭后所築潘敦復樂
亭縣志云唐開元中置馬城縣在今治西北遼於刻
今治置樂安鎮乃屬馬城金於樂安鎮置樂亭縣刻
石紀功復略地薊州夏五月皇弟埒克

志作刺哥
係一人
等謀反赦不誅出埒克爲德喀部額爾奇

木 秋八月甲子劉守光僭號幽州稱燕云守光改

元應天受冊之日契丹陷平州燕人驚擾洪遵泉志
云守光時鑄錢其面文曰應元天寶背曰萬薛史云
守光僭號莊宗遣太原少尹李承勳往使強行朝禮
不屈會王師至竟歿於燕中史記世家武王封召公
於北燕漢書地理志注薊故燕國召公所封史記正
義云召公始封蓋在北平無終縣以燕山為名後強
盛併薊徙居之索隱云北燕在今幽州薊縣故城是
也鄭樵通志都邑畧北燕都薊幽州治羅泌路史國
名紀南燕為伯儵國后稷妃南燕姑氏也又東燕亦
伯儵至召公始封地逼近山戎六國時寢大併燕陽
上谷右北平遼東西諸郡地為北燕蓋別於南燕東
燕而名之也薛大訓神仙通鑑云劉元英字宗城號
海蟾子初名操字昭遠後得道改稱焉燕地廣陵人
明經擢第仕守光為相崇黃老教有道人來謁自稱
正陽子為演清淨無為之宗金液還丹之要既竟索
雞卵十枚金錢十文以一文置几上累十卵於錢若
浮圖狀海蟾驚曰危哉道人曰人居榮祿之場履憂
患之地其危有甚於此者盡以錢擘為二置之去因

大悟聖早解印從道詩曰拋離火宅三千指屏去門
兵十萬家紀實也後遇呂洞賓得金丹秘旨往來終
南太華間結張無夢種倣訪陳希夷為方外交有詩
集及還丹篇行世按都印三餘贅筆云道家有南北
鍾離權權授唐進士呂巖巖授遼進士劉操

六年春二月戊午親征劉守光於幽州 夏四月梁

郢王友珪弑父自立攷異五代史載在六月 秋七月丙午親

征珠巴克原作朮降之俘獲數萬計攷異兵衛志云是年秋親征巴

延國俘獲數萬按巴延命弟埒克分兵攻平州廣記

原作背陰或作朮不姑云商為孤竹國秦漢為遼西古北平二郡地元魏兼

立平州隋為北平郡唐因之縣三廬龍石城馬城攷

異方輿紀要云後魏置古遼西郡地北齊為北平郡
唐同光初陷於契丹號遼興軍金建為南京即今永
府還與諸弟復謀叛稱兵阻道尋遣人謝罪釋之攷異

通史紀事本末卷一

七

冊府元龜云乾化二年十月契丹蜀括梅老等朝貢紀未載通鑑云是年晉遣周德威會鎮定兵攻燕守光遣將單廷珪出戰遇於龍頭岡德威奮搥擊廷珪墜馬生擒置於軍門

七年春正月甲辰朔晉王李存勗拔幽州擒劉守光

攷異通鑑云乾化三年晉周德威攻幽州守光求援

契丹以其無信竟不救三月晉將劉光濬克古北口

燕居庸關使胡令圭等奔晉十一月晉王自將圍燕

李守光喜踰城出降遂克其城擒仁恭及其妻妾十二

月子守光奔燕樂為田父張師造所擒及其妻祝氏與

三子事在梁均王嗣立後紀繫之正月在嗣立前與

薛史并異紀誤張昭周太祖實錄云時燕城危蹙守

光召元行欽部下諸將謂其必敗赴召無益乃推為

留後行欽曰我為帥亦須歸幽州眾然之寔字分台

志云盧龍藩鎮二十八易帥歷一代時廢為燕莊地平

續通典云燕樂漢庠奚縣地五代時廢為燕莊地平

曠可屯舊唐書燕樂縣初治白檀城長壽二年移治
新興城所甲寅太祖師次赤水城甯鎮西南吐谷渾
載較

所築隋屬河源郡唐為赤
水道管下別有曼頭城 弟埒克等乞降遣使撫諭

三月癸丑次蘆水弟埒克等犯行宮夏四月親帥師

追埒克等至昭圖原作札渚河五月癸丑北宰相迪輦悉

擒之黨與皆伏誅語詳埒克事中 是年二月甲戌

朔梁均主友貞討殺其兄友珪嗣立攷異太祖紀載十一月祠木葉

山還省風俗召高年議朝政定吉凶儀則禮志所載諸儀實昉自太祖也禮志於喪葬儀第詳書葬聖宗及道宗儀太祖所定之儀不載或其儀雖定自太祖而詳盡委曲至葬聖宗道宗時而始備耳

八年春正月甲辰以赫魯原作曷魯為德喀部額爾奇木

呼哩原作忽烈攷異卷六十五公主表忽烈尙聖宗女泰哥另一人為特哩袞 冬

十月甲子朔建開皇殿於明王樓基

九年春正月烏爾古部叛討平之 夏六月幽州軍

校齊行本率其族及其部曲男女三千人叛晉來降

詔授檢校左僕射賜名烏雲原作兀欲等亡去幽帥周德

威字鎮遠小字陽五朔州馬邑人納之詔索不遣乃議攻晉攷異續通考云

是年君基太乙神數見詔圖其像至神冊三年詔建道觀

神冊元年春二月丙戌朔太祖在龍化州羣臣上尊

號曰大聖大明天皇帝后曰應天大明地皇后大赦

改元神冊時梁末帝名友貞更名瑱貞明二年也攷異綱目

十二月想據遺告之辭薛史不載建元事至三月以太宗方紀天顯之名疑當時未得其傳故也

赫噶為阿勒達爾原作阿盧朵里攷異裕悅百僚進

秩有差立子貝

原作倍

爲皇太子

夏四月乙酉朔幽

州節度使盧國用叛晉來降授留後

秋七月壬申

親征突厥托歡黨項小蕃沙陀

攷均詳卷六

諸部悉平之

俘其酋長及戶萬千六百鎧仗牲畜無算

八月拔

晉朔州

在大同府西南二百八十里通鑑地理通釋云朔州馬邑郡魏武帝置新興郡晉改晉昌

後魏置懷朔鎮及朔州隋爲馬邑郡領善陽馬邑二

縣攷吳樂史太平寰宇記引搜神記云昔有人築城

於武周塞內以備胡城屢崩忽有馬馳走反覆父老

異之因依走跡以築城乃不崩遂號馬邑祝穆輿地

要覽云統萬城赫連勃勃於無定河北黑水之南築

李吉甫元和郡縣志云句注山在鄆陽縣東八十里

許爾忠朔州志云句注塞趙襄子以其姊爲代王夫

人欲併代約代王遇於此潘自牧記纂淵海云雁門

關在馬邑縣東南七十里夏之璜塞外橐中集云新

高山城對岸山有寺踞其巔一塔凌虛巖巒特異其

遼史紀事本末

卷一

九

寺云是遼后所建遺跡猶存作造經樓詩曰山巔一
塔傍溪流殿閣遙疑小十州是否當年蕭后建紅酥
猶賦造擒節度使李嗣本攻異通鑑云自麟勝至蔚州
中間懸隔雲朔蔚州恐當作朔州則此作朔州可正
通鑑之誤薛史云晉王北征至代州北聞蔚州陷班
師嗣本傳謂契丹三十萬攻振武嗣本拒戰累日力
竭城陷舉族陷虜八子唯四子存歐史云契丹寇蔚
州執嗣本本傳謂本姓張雁門人為長武節度號威
信可汗契丹克蔚州嗣本戰沒二史均作蔚州歐史
引本傳又謂戰冬十一月攻蔚新武嬌儒五州與方
沒所載各異紀要云蔚州在大同府東南三百五十里新州本北
燕州今宣化府保安州武州唐置一日穀州今宣化
府嬌州儒州古上谷郡地唐置嬌州後改嬌川郡今
懷來衛是卽延慶州又析置儒州遼號緡陽軍治緡
山縣攷異通鑑地理通釋云蔚州隋屬雁門上谷二郡唐
二鎮及靈邱郡後周置蔚州隋屬雁門上谷二郡唐
貞觀五年破突厥復故地天寶曰安邊郡至德曰興
唐郡領靈邱飛狐興唐三縣新州唐置領縣四永興

砮山龍門懷安輿地廣記云唐末置後唐升威塞軍
武州唐末置領文德一縣後唐改穀州媯州媯川郡
北齊立北燕州後周曰燕州唐更名治懷戎儒州唐
末置王存元豐九域志云領晉德一縣李心傳朝野
雜記作晉山縣石麟山西通志云金河十寺在蔚州
東南八十里五臺山下寺俱遼統和間建劉生和蔚
州志云漢文帝廟在蔚州南關遼穆宗建石碣存焉
李吉甫元和郡縣志云天池在靜樂縣北燕京山上
周回八里玉海云嘉祐元年遼蕭扈來賀正言陽武
廟天池寒侵北界詔館伴王洙指圖道本末陳師道
後山談叢云潘美爲并帥代之北都山有天池焉歲
遣通判祭之其後憚遠而罷久之契丹遣祭焉又易
其屋記至熙甯中始有其地凡數歲使傳往來卒不
能辨而與之劉必紹保安州志云燕尾河在州東南
三十里桑乾與渾河合流如燕尾然下流入蘆溝橋
見遼志孫世芳宣府鎮志云西望山在宣府城北三
十五里上有遼國西望山舍利碑姜南蓉塘詩話云
統幕之地有隆慶州西南八十里遼主遊幸嘗建大
幕於此因名今訛爲土木正統北狩卽此地謝庭珪
隆慶州志云緡陽山在永甯縣城北有緡陽觀遼時

所建今遺跡尙存按新州金爲德興府明爲保安州媯州明爲隆慶州儒州明爲永甯縣斬首萬

餘級自代北至河曲踰陰山盡有其地遂改武州爲

歸化州媯州爲汗原作可汗州置西南招討司選有功者

領之其圍蔚州敵樓無故自壞衆軍大譟乘之不踰

時而破時梁及吳越二使皆在焉詔引環城觀之異攷

薛史云晉以張溫爲武州刺史同光初契丹陷媯十

二月收山北八軍攷異通鑑目錄是歲契丹攻晉李

去紀未載方輿紀要云存勗置團練於新州總山後

八軍升爲威塞軍兼領媯儒武三州遼克新州改爲

奉聖州武定軍二年春二月晉新州裨將盧文進范陽人叛晉殺節度

使李存矩

克用子攷異通鑑目錄作李矩

來降進攻其城拔之刺史

安金全

代人北

遁以文進部將劉殷爲刺史

攷異薛史云存矩爲

晉帝諸弟治兵失政御下無恩故及於禍帝以契丹主納叛背盟馳書讓之歐史云文進爲劉守光騎將

降莊宗授壽州刺史屬其弟存矩存矩募兵出馬求文進幼女爲側室因與亂兵殺之反攻新州不克攻

武州又不克遂奔契丹所載較詳按文進殺存矩始末通鑑與馬令南唐書小異壽州屬吳文進無遙領

刺史之理從馬令作蔚州爲是見遼史拾遺

三月辛亥攻幽州節度使周

德威以幽并鎮定魏五州兵拒於居庸關之西合戰

於新州東大破之斬首三萬餘級殺李嗣本之子武

八夏四月

攷異薛史四月辛卯梁以右千牛衛大將軍劉璩充契丹宣諭使歐史同紀未

載壬午圍幽州不克六月乙巳望城中有氣如烟火

狀太祖曰未可攻也以大暑霖潦引師還留赫魯盧

國用守之攷異歐史云初幽州北七百里有榆關下

纔數尺旁皆亂山高峻不可越舊置八防禦軍募土

兵守之田租皆供軍食歲致繒纈以供衣每歲早獲

清野堅壁以待契丹至則閉壁不戰俟其去選驍勇

據險要之契丹常失利走由是不敢輕入寇及周德

威鎮盧龍恃勇不設備遂失渝關之險契丹每芻牧

於營平間至是盧文進教之爲土山地道以攻城日

殺千計新唐書云唐置東西硤石綠疇米磚長楊黃

花紫蒙白狼溫溝白望昌黎遼西十二戍以扼之方

輿紀要云幽平之間以金坡居庸古北松亭榆關等

五關爲形勝而榆關爲最唐天復三年契丹將阿鉢

寇渝關時劉守光戍平州誘執之梁乾化中榆關遂

爲契丹所取宋白續通典云榆關東臨海北有兔耳

山覆舟山皆斗峻山下尋海岸東北行狹處纔通

一軌三面皆海北連陸關西亂山至進牛欄凡六口

所橋戌相接此天秋八月李存勗遣李嗣源本名邈佶烈父電無

姓氏後等救幽州赫魯等以兵少而還李攷異通鑑云

爲明宗等救幽州赫魯等以兵少而還李攷異通鑑云

珂等距幽州數十里與契丹力戰大敗之俘斬萬計

嗣源入幽州薛史明宗紀云帝請突騎五千爲前鋒

會軍易州銜枚前行八月發上谷陰晦而雨仰天祈

祝卽時晴霽循大房嶺而進與從珂奮擊大敗敵衆

挾其酋帥還歐史以請騎五千爲符存審事且有閭

寶名契丹國志云時文進與契丹攻幽州且二百日

城中危困晉王親將兵救之始解去述律后兄述魯

官統軍使從圍幽州機巧善智城垂克會救至退師

改授奚王府監軍軍於屈烈尙奧哥公主表名

質古下嫁后弟蕭室魯幼爲奧姑未封卒樂史太平寰宇

女子可尊者坐於奧曰奧姑未封卒樂史太平寰宇

記云大防山在良鄉縣西北三十五里山下有石穴

史恒德涿鹿記云房山在涿郡西北五十里北接居

庸東抵漁陽西連紫荊所謂幽燕奧室也曹學佺名

勝志云大房山南晉霍原隱處黃檗房山縣志云孔

水洞在房山東北其上懸巖千尺其下石竇如門流

水湧出深不可測時有白龍出遊人間絲竹之音聞

元間旱投以金龍玉壁薦之卽應劉侗帝京景物略

通志卷之五
石經者千年矣故曰石經山亦曰小西天即涿鹿山
也按漢書地理志清河郡有懋題縣顏師古注懋古
莎字又六聘山在房山縣西三十里見明一統志按
六聘山其地甚廣天開寺其下院孤山則下中院兜
率寺為上方院而總名之曰六聘山天開寺見朱彝
尊日下舊聞

三年春正月丙申以皇弟安圖原作安端為太內特哩袞

命攻雲州攷異冊府元龜云李存璋為大同防禦使時契丹陷蔚州營於魚池阿保機遣人馳

木書求賂於存璋斬使不報遂攻雲州存璋悉力拒

戰城中舊有鐵車鎔為兵器投軍士賊乃退所載較
詳及西南諸部 二月癸亥城皇都以禮部尙書康

默記充版築使攷異陳經五代史補編云梁貞明四

沃壤負山扼海地理志云上京臨潢府本漢遼東郡
西安平之地太祖取天梯博囉等三山之勢於葦甸

射金甌箭以識之曰龍眉宮涑流河繞京三面東入
於曲江其北東流爲按春河故城在今巴林東北以
臨潢水故名轄軍府州城二十五統縣十臨潢縣太
祖以燕薊俘戶置長泰縣以渤海國長平縣民置定
霸縣以扶餘府強師縣民置保和縣以渤海國富利
縣民置路縣以幽州路縣俘戶置渤海縣本東京人
因叛徙置與仁縣開泰二年置宣化縣本遼東神化
縣民太祖破鴨渌府徙置餘詳卷二十七胡嶠陷北
記云上京西樓有邑屋市肆交易無錢而用布有綾
錦諸工作宦者翰林伎術教坊角觝儒僧尼道士中
國人并汾幽冀爲多元遺山文集費縣令郭明府墓
碑云公諱嶠字子崇族郭氏世家臨潢之長泰會大
父英潛德勿耀大父願誠遼因進士
擢由左班殿直仕至侍御史史未載
夏四月乙巳

皇弟特爾格

原作迭烈哥

謀叛赦之誅其弟伊德實

原作寅底

石妻納爾琿

原作涅里衮

五月乙亥詔建孔子廟佛寺

道觀

四年春二月丙寅修遼陽故城以漢民及渤海戶實

之改爲東平郡置防禦使史稱本朝鮮地後爲渤海大氏所有號中京顯德府

攷異劉效祖四鎮三關志云太祖并渤海盡有遼軍

置東平郡修復故城鑄鐵鳳鎮之因號鐵鳳城天顯

三年升爲南京復立中書省號大遼改東京遼陽府

轄軍府州城八十七統縣九遼陽縣本渤海常樂縣

仙鄉縣本渤海永豐縣仙鄉人白仲理鍊丹點金救百

姓鶴野縣渤海爲雞山縣昔丁令威化鶴來歸卽此

析木縣本漢鏤芳縣渤海爲紫蒙縣興遼縣本漢平

郭縣唐元和中渤海王仁秀更今名又肅慎歸仁順

化共九縣見方輿紀要地理志云一名天福城幅員

三十里有八門外城曰漢城又遼州始平軍本佛甯

國城渤海爲東平府督伊蒙陀黑北五州太祖伐渤

海先克東平府改號遼州東平軍太宗更爲始平軍

治遼濱縣故城在瀋陽中衛西北百八十里此唐書

所謂新城非故城也又伊蒙陀黑北唐書北作比林

本裕遼載云始平軍界內有蛇山狼山黑山巾子山

高士奇扈從東巡日錄云始平軍有羊腸河源出白

蛋山 秋八月丁酉謁孔子廟命皇后皇太子分謁寺

觀 九月征烏爾古部道聞太后不豫日馳六百里

還侍疾愈復還軍中冬十月丙午次烏爾古部天大

風雪不能進禱於天俄頃霽命皇太子將先鋒軍進

擊破之俘生口萬四千二百器甲牲畜無算自是舉

部內附攷異營衛志云太祖取于骨里戶六千神冊

亦於是年載師次骨里國分路擊之舉國內附是骨

里即于骨里之誤兵衛志云神冊四年親征烏爾古事

國原作于骨里俘獲萬四千二百口與征烏爾古事

合是于骨里又即烏爾古矣所載各異未知孰是王

州時遼神冊四年也紀未載秦再思洛中紀異云盧

文進說契丹徵諸路甲馬寇幽州設圍攻之莊宗赴

救契丹退以趙思溫為營州團練使未期契丹圍營

遼史紀事本末卷一

三

州踰年朝廷未暇救糧草俱盡思溫欲自殺左右諫止阿保機誓不殺乃投戈按思溫之獲史繫之天贊二年克平州時稍異

五年春正月乙丑始制契丹大字未幾成頒行之

陶宗儀書史會要云遼太祖用漢人以隸書之半增

損之制契丹字數千以代刻木之約其字如螭也

七友走用馬厯急之類是也又王易燕北錄載長牌

書朕字燐木刻子牌十二道馬字又各銀牌三道上國

紀異錄云渤海既平乃制契丹大字如此永樂大典引

顯元年與紀異按耶律圖魯卜傳幼聰敏嗜學太祖

器重之及製契丹大字圖魯卜贊成爲多時羅卜科

亦以佐助功俱授林牙紀均未載儀衛志云銀牌二
百面長尺刻以國字文曰宜速又曰勅走馬牌國有
重事帝以牌親授使者手劄給驛馬若干驛馬闕取
他馬代法晝夜馳七百里次五百里所至如天子親
臨須索更易無敢違者使回帝親受之手封牌印郎

君收

夏五月庚辰有龍見於伊喇

原作山陽水上

搜刺

太祖親射獲之藏其骨內府

攷異沈括夢溪筆談云

足短身長五丈舌二尺有半形如劍洪皓續松漠紀

聞作長十餘丈云其骸尙在金國內庫悟室長子源

嘗見之尾鬣支體皆全雙角爲人截與余所藏董羽

畫出水龍相似蓋其背上鬣不作魚鬣也洪邁夷堅

志云射龍於西樓長千餘丈卽騰空逆墜於黃龍府

西相去千五百里長纔數尺元好問續夷堅志作身

長五尺舌二寸有半南渡貞祐初尙存郭造卿碣石

叢談云太祖極長大其靴可納城臺僧頂富鄭公行

程錄云祖州有祖山阿保機廟所服靴

尙在長四五尺許游幸表亦云長五尺

秋八月辛

未親征黨項諸部

秋九月己丑朔梁遣郎公遠來

聘薛史是歲梁以供奉官

壬寅太子率額爾奇木

裕勒沁

原作汗里軫攷異卷七十五耶里迪里傳字

卷一

三

臣

額爾奇木汗兀音同此等畧地雲內天德冬十月辛

未攻天德地理志云天德軍隸豐州本中受降城唐

元中改天德移永濟橋今治是也遼置招討司以國

族爲節度攷異張欽大同志云官山在府城西北五

百餘里古豐州境山上有九十九泉流爲黑河牟那

山在朔州城三百里隋大同舊墟在此山近有鉗耳

觜城及秦長城明一統志云王昭君墓在古豐州西

六十里名青冢振武縣北七十里有黑沙蹟又天德

山在朔州北漢李陵自居延行至天德山卽此張鵬

翻漠北日記云距青冢十里有振武城廢址曾出一

碑曰唐振武節度使墓誌亦漢字

城擒瑤及家屬徙其民於陰山南師還

六年夏五月丙戌朔詔定法律刑法志云遼制刑凡

黥刺之法重熙五年新定條制成頒行諸道本太祖

以來法令參考古制凡五百四十七條咸雍六年命

伊遜更定續增既繁犯者日衆大安五年詔復舊法
又開泰八年以竊盜賊十貫者死爲大重增至二十
五貫後增至五十貫三犯竊額徒三年四竊面徒五
年五則處死吳曾能改齋漫錄云遼法爲盜者一犯
黥其腕爲賊字再犯文其臂三犯文其肘四犯文其
肩五犯則斬不須按籍而辜不可掩武珪燕北雜記
云正月十三日放契丹人做賊三日盜及十貫上者
依法行遣洪皓松漠紀聞云金治盜最嚴每捕獲治
罪外皆十倍責償唯正月十六日則縱偷以爲戲亦
有與室女私約至期竊去女願留則聽之自契丹以
來皆然今燕亦正班爵分六等以尊卑爲次品秩不
如此所載較詳
可辨黥陟之法亦未詳除授遷調又參差不齊然儀
衛志有一品至九品服飾則品秩原昭然至勳臣之
加上柱國及開府儀同三司者亦間或一見至官員
犯罪又有追奪告身之罰特典章闕佚作史者無從
攷訂見陳浩
遼史攷證

詢民利病

冬十月癸丑朔晉新州防禦使王郁以

所部山北兵馬內附攷異通鑑都爲處直孽子無寵

史云新州刺史王郁叛入契丹李嗣肱進兵定嬀武

儒三州授山北都團練使紀載各判姚顗唐明宗實

錄云莊宗未卽位郁與盧文進相繼入遼皆驅率數

州士女爲虜南藩教其織紵工作中國所爲虜中悉

備契丹所以強盛侵凌中國者以

得文進郁故同光之世爲患尤深

丙子太祖率諸

軍入居庸關攷異樂史太平寰宇記云居庸關北齊

西北十里淮南子云天下九塞居庸是其一程大昌

北邊備對云太行山南自河陽懷縣迤邐北出直至

燕北無有間斷自麓至脊皆陡峻不可登獨有八處

相通微徑名曰陁居庸卽其最北之第八陁東西橫

亘五十里中間通行之地才闊五步輿地廣記云昌

平北十五里有軍都陁西北三十五里有納款關卽

居庸故關亦曰軍都關方輿紀要云在昌平西北三

十里去關十七里有八達嶺爲往來衝要此中國控

扼契丹之險

十一月癸卯下古北口

密雲縣東北百

二十里亦曰虎北口兩崖壁立凡四十五里爲險絕
之道攷異羅璧識遺云隴外虎北口卽漢上谷郡其
山西連太行東通遼海狼居胥山爲襟帶南北路繞
兩崖間彭文子謂隘如綫側如傾其峻絕天其降趨
井下有澗巨石磊塊凡四十五里艱折萬狀山外寒
氣先山南兩月燕東百里曰榆關循海方有狹徑實
遼東諸州之障沈括云檀州東北五十里有金溝館
自館少東北三十餘里至中頓折北行峽中濟灤水
通三十餘里鈎折投山隙以度所謂古北口也韓琦
安陽集過虎北口詩云東西兩眉巖鬱嵯峨關口纔容
數騎過天意本將南北限卽今天意又如何古北口
蕭寺刻蘇轍道中詩云亂山環合疑無路小徑縈迴
長傍谿谿髮夢中等蜀道興州東谷鳳州西轍於元
祐間使遼館伴侍讀學士文師儒能誦洵軾文及轍
荻苓賦此蓋奉使時作見高士奇塞北小鈔轍樂城
集又載古北口寺詩云獨卧繩床已七年往來殊復
少情緣魂歸故國鳥飛處身在中原山盡邊梁市朝
同塵滿馬蜀江春近水浮天枉將眼界疑心界誰信
迢遙物外篇按金溝館卽金溝淀遼主嘗於此過冬
自此無里埃但以馬行記日約其里數見王文正上

遼事丁未分兵畧檀順安遠三河良鄉望都潞滿城遂

城等十餘城俘其民徙內地地理志云檀州武威軍本燕漁陽郡地漢爲白

檀縣統密雲行唐二縣順州歸化軍秦上谷漢范陽

境治懷柔縣安遠城在薊州城西北唐末置安遠軍

三河本漢臨朔縣地唐析潞縣置良鄉燕爲中都縣

漢改望都太祖置屬平州路唐爲元州貞觀中仍今

名方輿紀要云望都阿保機掠定州望都縣民置卽

古海陽城今慶都縣路今通州滿城本後周永樂縣

隋改遂城宋爲威鹵軍爲沿邊要地攷異劉敞公是

集檀州詩云窮谷回看盡孤城平望遙市聲衙日集

海蓋午時消冠帶才通漢山川更入遼春風解冰雪

最覺馬蹄驕每旦海氣如霧至午消盡時謂海蓋通

鑑地理通釋云順州順義郡在范陽城唐天寶中治

賓義縣王存元豐九域志云化外順州傾賓義唐置

突厥州順州貞觀四年平突厥以其部落置幽靈之

境後僑治幽州史稱州南有齊長城東北有華林天

柱二莊遼建涼殿春賞花夏納涼樂史太平寰宇志

謂順州順義郡領賓義一縣乃指范陽城卽今順州

歸順州歸化州領懷柔一縣即今順義縣明一統志云柔谷山在懷柔縣東四十里跨密雲縣界亦名燕谷山叢輔山川志云遼營建避暑殿於柔谷坊接判王元英文昌雜錄云余使北過順州有柔谷坊接判王仲淵指謂副使文供備曰觀此可知其寒也劉向別傳曰燕地谷美而寒不生五谷鄒子吹律召溫氣至五谷生名柔谷遼士多燕人頗知問學也潞沙筆綴云通州至京中涂有高米店或呼高碑店按洪皓松漠紀聞云潞縣三十里至高亭高交音訛至燕京之高米店或即高亭高交音訛

十二月癸

丑王郁率眾來朝太祖呼郁爲子賞資甚厚徙其眾

於潢水南太子率郁畧地定州攷異輿地廣記云中

爲鮮虞戰國爲中山國爲魏并漢置中山郡改爲國後燕慕容垂都此唐立定州升義武軍今爲定武軍

縣七安喜無極曲陽唐縣望都新樂北平朱彝尊曰下舊聞云太祖畧定州破行唐盡驅其民北至檀州

擇曠土居之凡置十砦仍名行唐縣所載較詳康默記攻長蘆晉義武節度

使王處直養子都囚其父自稱留後

歐史處直京兆萬年人處存弟

處存卒逐其姪郛而代之都即劉雲即妖人李應得

之遺處直官副大使聞處直使郁賂契丹令犯塞解

鎮州圍遂作亂處直見殺攻異通鑑云都時典新軍

慮郁奪其處陰與書吏和昭訓謀却處直會處直與

張文禮宴城東暮歸都以新軍數百伏於府第大謀

却之曰將士不欲以城召契丹請令公歸西第乃并

其妻妾幽之都自癸亥圍涿州地唐為范陽改涿州

稱留後所載較詳癸亥圍涿州地唐為范陽改涿州

宋因之遼置永泰軍攻異通鑑地理通釋云涿州涿

郡唐大歷四年節度朱希彩析幽州之范陽歸義固

安置治范陽許亢宗奉使行程錄云黃帝與蚩尤戰

於涿鹿之野即此樂史太平寰宇記云涿水源出縣

西土山下東北流經縣北五里又東北流注聖水應

劭注漢書云涿水出上谷涿鹿縣水西入海十三州

志云涿郡南有涿水北至上谷涿鹿縣水西入海十三州

匈奴中曰涿邪水酈道元水經注云樓桑里漢昭烈

舊里也唐舜卿涿州志云獨鹿山即涿鹿山雲居寺續

西十五里于奕正天下金石志云涿鹿山雲居寺續

鐫石經記趙遵仁撰清甯四年碑記畧曰燕都之有
五郡民最饒者涿郡首焉涿郡之有七寺境最勝者
雲居占焉寺在隋朝所建號自唐代之有最高顏曰東峰
北五十里寺在山之陽寺之東有峰最高顏曰東峰
樞密頂上有石室七焉經貯是室先是太平七年會故
遊是山詣是寺陟是峰暨觀遊間乃從政之暇命從者
且多依然藏貯遂召當寺耆秀詢以初迹代去時移
詢無知者既而於石室間取出經碑一十條大涅槃經
法念經壹部全七卷計碑二百一十條大華嚴經一
十部全四卷計碑一百二十條般若經五百二十卷
五部全六十條又於左右別得石記曰幽州沙門釋靜
琬精有學識於隋大業中發心造石經一藏以備法
減遂於幽州西南白帶山上鑿爲石室以藏其志未
諸室內滿卽用石塞戶以鐵錮之其後雖成其志未
滿其願以唐貞觀十三年奄化歸真門人導公繼焉
導公沒有儀琬公繼焉儀公沒有遲公繼焉
法公繼焉自琬之至法凡五代不絕其志乃知自唐以
降不聞繼造佛之言教將見其廢耶一省其事喟然

有興復之嘆以具上事奏於天朝我聖宗皇帝銳志
武功留心得釋典暨聞來奏深快宸衷乃命故瑜珈大
法師諱可元提點鑄修勘謁刊謬補缺續新琬師之
志因此繼焉迨我興宗皇帝之紹位也孝敬恒專真
空夙悟常念經碑數廣匠役程遙藉檀施則歲久難
爲費常住則力乏焉辦重熙七年於是出御府錢委
官吏貯之歲析輕利供書經鑄碑之價仍委郡牧提
點以時繫年不暇鑄勒自太平七年至清甯三年中
間續鑄造到大般若經八十卷計碑二百四十條以
全其部也又鑄到大寶積經一部全一百二十卷計
碑三百六十條清甯三年五月十二日大寶積初成郡
守蕭公諱惟平召余謂曰四大部經今續鑄畢見聞
之下幸會攸難願製好詞以爲刊記余罔愧屏蕪直
以爲記清甯四年三月一日記沙門志才雲居寺續
祕藏石經塔記云古之碑者用木爲之乃葬祭饗聘
之際有所植一大木而字從石者取其堅久也秦漢已
降凡有功德政事亦碑之欲圖不朽易之以石雖失
其本從來所尙不可廢焉浮圖經教來自西國梵文
貝葉此譯法言盡書竹帛或邪見而毀壞或兵火而

焚熱或時久而蝨爛孰更印度求諸與有隋沙門靜
碗深慮此事屬志發願於大業年中至涿鹿山以大
藏經刻於貞珉藏諸山寶大願不終而奄化門人道
公儀公暹公法公師資相踵五代造經亦未滿師願
至遼劉公法師奏聞聖宗皇帝賜普度壇利錢續造
次興宗皇帝賜錢又造相國楊公遵勗梁公穎奏道
宗皇帝賜錢造經四十七帙通前上石共計一百八
十七帙已厝東峰七石室內見今大藏仍未及半有
通理大師溜林拔秀名實俱高教風一扇草偃八紘
其餘德業具載寶峰本寺遺行碑中師於茲山寓宿
有續造念興無緣慈為不請友至大安九年正月一
日遂於茲寺放開戒壇士庶道俗入山受戒叵以數
知方盡暮春始得終罷所獲錢施乃萬緡付門人右
街僧錄通慧圓照大師善定校勘刻石石類印版背
面俱用鐫經兩紙至大定十年錢已盡功且止碑四
千八百片經四十四帙題名目錄刻如左未知後代
誰更繼之又有人講經沙門善銳念先遺風不能
續扇經碑未藏或有殘壞與定師共議募功至天慶
七年於寺內西南隅穿地為穴道宗皇帝所辦石經
大碑一百八十片通理大師所辦石經四千八十片

皆藏瘞地穴之內上築臺砌斬刺史李嗣弼昭義節度使克

修以城降乙亥晉王存勗至定州都迎之存勗引兵

趨望都遇托諾原作妥餒一作輝係奚酋軍五千騎圍之存勗

力戰不解李嗣昭本姓韓字進通汾州太谷人領騎三百來救國

兵少却存勗乃得出攷異薛史云時莊宗討張文禮於鎮州契丹三十萬奄至莊宗

擊之被圍數十重不解嗣昭引三百騎尋與大戰不

利引還存勗至幽州遣二百騎躡國兵後反擊悉擒

之己卯還次檀州幽人來襲擊走之擒其裨將詔徙

檀順民於東平瀋州薛延龍全遼志云瀋陽中衛在遼陽城北百二十里唐時渤海

置瀋州遼置興遼軍後改昭德軍攷異歐史云阿保機攻中山渡沙河都告急莊宗來救相遇於新城晉

兵自桑林馳出人馬甲兵光明燭日虜騎愕然稍却
晉軍乘之遂大敗值沙河冰薄皆陷沒退保望都會
大雪人馬饑寒多死顧盧文進曰天未使我至此乃
引去然自此有輕中國心通鑑云晉王至新州聞契
丹前軍涉沙河將士皆失色請還師郭崇韜李嗣昭
不可遂引五千騎出桑林契丹驚走分兵逐之獲其
子趣望都追擊大敗之逐北至易州值大雪人馬多
死責王郁繫之自是不聽其謀薛史謂獲羶幕羊馬
無算晉帝迫襲至幽州乃還綱目繫於明年正月與
史異郁本傳後官至政事令許亢宗奉使行程錄云
離雄州三十里至白溝巨馬河過河三十里到新城
阿保機敗於新城卽此舊爲契丹邊面自結好後樓
壁猶存在無極
縣西二十八里

天贊元年

攷異契丹國志神冊五年後卽天贊元年紀書於六年後今從紀

春二月

庚申復徇幽薊地癸酉改元赦軍前殊死以下夏

四月甲寅攻薊州戊午拔之擒刺史胡瓊以盧國用

尼嚙古

原作涅魯古

典軍民事壬戌大饗軍士

癸亥晉

王存最圍鎮州

輿地廣記云真定府春秋屬晉秦屬鉅鹿郡漢立恒山郡避文帝諱改常

山東漢為常山國後周並立恒州唐升成德軍避穆

宗諱改鎮州五代為真定府晉曰順德漢曰成德今

因之縣九真定藁城欒城元氏井陘獲鹿平山行唐

靈壽攷異方輿紀要云漢魏為常山郡唐曰恒山郡

亦曰恒州改今名即真定府亦為成德軍時晉王渡

滹沱河決漕渠以灌城未下通鑑目錄王自攻鎮州

殺韓正時張文禮號王德明殺銘為子求援命郎君

紀均未載

德略原作將軍康末怛往擊敗之殺其將李嗣昭攷

通鑑云嗣昭為鎮兵射矢辛未拔石城縣攷異樂史

中腦而卒非契丹所殺

記云石城漢舊縣取碣石立如城以名之秦始皇使

燕人盧生求羨門刻碣石漢武帝登之望海當山有

大石如柱號天橋柱立巨海中狀如人造然非人力

所能成李昉太平御覽云大碣石山王莽改碣石漢

昭帝嘗登之望海勒名於此宛轉有石如甬道數十
里當山頂望之大石如柱形往往而見立海中潮水
大至及退不動不沒不知深淺名天橋柱豈昭帝亦
指此以爲碣石耶閩若璩潛邱劄記云前漢志右北
平郡驪成縣有碣石山後漢志遼西郡臨榆縣有
碣石山文頴漢書注碣石山在遼西秦縣魏收地形
志肥如縣有碣石山隋志盧龍縣有碣石山唐志平
州石城縣有碣石山明一統志碣石山在昌黎縣西
北二十里諸書不同然縣跨各地故班固云大碣石
山今人第因天橋柱屬諸昌黎隘矣郭造卿永平府
志云元張勗灤州石城姜將軍斬蛟廟碑曰後唐路
王清泰間將軍鎮榆關碣石之石城縣坤方山曰唐
麓趾曰唐溪臨溪形勢幽阻林壑疏迤將軍軍卜城居
之溪有蛟歲爲害奔雷走電激波溢涯將軍領衆斬
蛟於溪上民乃安後葬南山豕若高山至今民念功
建廟將軍夫人有二男女各七配享以上已誕日致
祭元至元丙子繕祠王午畢爲記按天寶之元破石
城次年陷平州置灤州以領之後唐天成之元平州
歸唐三年復歸遼至清泰建元則歷七
年安有唐將軍鎮此地儻有之遼事也
五月丁未張

文禮卒子處瑾遣使來謝

攷異歐史云天祐十八年正月張文禮弒其君鎔來

請命授留後八月遣符習閭寶史建塘討之取趙州

文禮死子處瑾拒守九月建塘戰死十九年三月寶

兵敗嗣昭代四月戰死十月李存審克鎮州薛史云

時李再豐送欵於存審中夜登城獲處瑾處琪

并其母及高濠李翥齊儉等磔文禮尸於市

紀未書且文禮卒在去年紀作是年又異

遣鷹軍擊西南諸部以所獲賜貧民 冬十月甲子

分德喀部爲二院實納齊

原作斜爲北院額爾奇木

烏蘇

原作爲南院額爾奇木以戶口滋繁統轄疏遠

分北達甯額

原作大爲二部

續通考云據地理志所載上京道戶八萬七千

一百中京道戶一萬九千外不可計者尙多南京道

戶二十五萬七千西京道戶十五萬九千嗣後歷朝

征討所俘民戶多置郡縣以領之太宗天顯四年二

月閱遙輦民戶籍大同元年籍上京戶丁以定賦稅

聖宗統和九年七月通括戶口十五年三月通括宮
分人戶道宗咸雍時遣使括戶口三京隱戶不得以耶律
引吉代之得三千餘戶馬人望爲三司度支判官會
搜括戶口未兩旬而畢同知留守蕭保先怪而問之
曰民戶若括之無遺他日必長厚歛之弊十得六七
足矣保先曰君慮遠不及也太康九年六月詔諸
路檢括逃戶罪至死者原之大安三年二月以民多
流亡除安泊逃戶徵償法攷異元好問中州集云遼
掠中國人及奚渤海諸國生口分賜貴近或有功者
大至一二州少亦數百皆爲奴婢輸租於官且納課
給其主曰二稅戶范鎮東齋紀事云遼使有馮見善
者予接判勸酒見善曰勸酒當以其量否則如徭役
而不戶等高下也以善知遼徭役亦立兩節度使以
以戶等中國可不量戶等役人耶
統之續通考云遼外官南面五京留守司設正副官
及知事少尹同知同簽之屬其按察刑獄使分
決刑獄使採訪使不常設各京設處置使錢穀設轉
運使西南西北諸夷東京設安撫使南面邊防設建
霸宜泉錦五州制置使使所掌非軍民事至諸路將官
面著帳郎君有節度使所掌非軍民事至諸路將官

北面上京路控制諸奚設諸軍都虞候司遼陽路諸
司控制高麗設都部署司及契丹奚渤海四軍都指
揮司南京諸司備宋有都元帥府都總管府西京都
司禦夏有西南安撫使司都招討司大詳穩司西北
諸司控制西北諸國有西北招討司各處詳穩司總
領司部署司都統司東北諸司控制東北諸國有兵
馬詳穩司諸路均設兵馬
都總管及指揮都監諸官
十一月壬寅命皇次子

耀庫濟原骨為大元帥畧地薊北攷異余靖武溪集

兵者燕中有元帥府雜掌番漢兵大弟總判之有南
北二王府分掌契丹府兵乙室王府次之奚王府掌奚
兵在中京之南元帥府守山前有府官統軍掌契丹
渤海之兵馬步軍司掌漢兵乙室王府守山後又有
雲應蔚朔奉聖等五節度營兵逐州置鄉兵西南招
討掌河西邊事西北招討掌撻筴等邊事東北則撻
領相公掌黑水等邊事正東則注展相公掌女貞等
邊事部族大小各有節度使從征兵則行宮都部署
主之宿衛兵則大內有點檢正副官及左右等五北
室遼謂金剛為北室取其堅利也漢人又有控鶴等

六軍按北室郎皮室御帳親軍也又十院宮使阿保
機以下每主嗣位則立宮置使領臣僚每歲所獻生
口及所得外國物每宮戶口錢帛供人主私費猶中
國內藏間亦從征續通考云北面有大將軍府曰大
將軍上將軍將軍將軍小將軍外設大詳穩司與之並所
屬護軍司有護軍司徒等官又諸路兵馬統署司有
都統副統等官其分主軍政有東都
省太師西都省太師之官紀載各殊

二年春正月丙申耀庫濟克平州獲刺史趙思溫本

字文美盧龍人仕劉仁恭為周德威擒授平州刺史
二年來降從征渤海為漢軍都團練使後事太宗歷
南京留守卒贈太師魏國公子延昭延靖官至使相
攷異王惲秋澗集題遼太師趙思溫族系後云遼氏
開國二百載跨有燕雲雄長東夏雖其創業之君規
模宏遠守成之主善於繼述亦由一時謀臣猛將與
夫子孫蕃衍衆多克肖肯構有以維持藩翰趙公早
以驍勇善戰受知太祖烜赫貴顯生子十有二人其
後支分派別官三事使相宣徽節度團練觀察刺史
下逮州縣職二百餘人迄今燕故老談勳閥富盛照

映前後者必曰韓劉馬趙四大族焉嗚呼盛哉孟裨
子稱故國非謂喬木而有世臣者其是之謂與

將張崇二月如平州甲子改平州爲盧龍軍置節度

使攻異歐史云契丹以盧文進爲盧龍節度使居平

州歲引契丹入寇殺掠吏民盧龍巡屬爲之殘弊

陳經五代史補編云契丹投盧國用爲節度國用卽

文進也按文進字大用疑卽國用見錢大昕潛研堂

集徐鉉稽神錄云文進嘗於絕塞射獵方正晝忽陰

晦衆星粲然衆皆懼問蕃人所謂宜却日也此地以

爲常尋當復矣頃之乃明日猶午也又於無定河見

一人腦骨一條大如柱長七尺見錢易南部新書馬

令南唐書云初文進攻新州不克夜走墜堦一躍而

出明日視之乃郡之黑龍潭絕岸數丈深不可測嘗

有大蛇至座間引首及膝文進取食飼之而

去因自負反復南北終無挫衄焉所載甚異

軍次箭筈山

攻詳卷

討叛奚呼遜

原作胡損

攻異太

人獲之射以鬼箭誅其黨三百人置奚托輝

原作墮

攻異

聖宗紀作墮

部以布掄

原作勃魯恩

權總其事

夏四月

癸丑命耀庫濟攻幽州廸里

原作迭烈字裕勒沁六院部巴古濟後辨見上

徇山西地所至城堡皆下太祖嘉其功錫賚甚厚庚

申耀庫濟軍幽州東節度使符存審

宛邱人克用養子改姓李字德

詳戰敗之擒其將裴信父子遂抵鎮州拔曲陽下北

平五月戊午師還癸亥大饗軍士賞賚有差秋七

月前北府宰相蕭阿古齊徇地燕趙王郁從攻下磁

審務是年閏四月晉王存勗稱皇帝國號唐十月

己卯滅梁

攷異葉夢得石林燕語云梁莊肅公景祐中監在京倉南郊赦錄朱全忠後莊肅上

疏罷之曰全忠叛臣也何以爲勸仁宗善之擢審刑院詳議官記其姓名遂見進用通鑑云契丹入唐幽

州王溥五代會要云梁滅之後契丹主率兵直抵涿
州時幽州安次路三河漁陽懷柔密雲等縣皆陷十
二月進次嵐州此後侵晉無虛月紀均未載方輿紀
要云安次縣有石梁城在舊州東南三十里崧州
城相傳遼古刺史王置常道城在舊州頭西五里魏主
瑛封常道鄉公北魏主宏封字文英常道鄉公皆此
元爲東安州明降縣張文舉東安縣志云桃水首受
涑水分流至安次入河見漢志定覺寺在縣西北七
十里遼天慶間張銑重建遼中丞韓澤墓在縣西北
五十里乾統八年葬地理志云漁陽漢舊縣今屬薊
州桑欽水經云漁陽縣有鮑邱水從塞外來南過縣
東及潞縣西雍奴縣北屈東入海黃圖雜志云遼時
漁陽有獨樂道院沙門圓新居之見盤山感化寺宰
堵坡記靜安寺在漁山西舊名醴泉院遼道宗賜額
淨名寺金改今名見盤山志又會同九年九月閱諸
道兵於漁陽東林淀見本紀周仲士懷柔縣志云縣
東南三十里有呼奴山漢鄧訓任興屯兵防匈奴烏
桓於此宋白續通典云密雲縣卽漢厓奚縣舊治厓
音驪劉效祖密雲縣志云縣東北八十里普濟寺遼
統和五年建清甯二年重修內有顯公和尚祠治山

上寺治山下寺遼重熙八年建又劉存規字守範遼檢校司空御史大夫卒於應歷五年葬密雲縣嘉禾鄉有墓志徐昌祚燕山叢錄云密雲有大古墓園十餘里高與山等昔人欲發之將及墓門有犀蜂飛出螫人遂不敢發相傳以爲遼太后所葬

三年春正月遣兵畧地燕南夏五月徙薊州民實遼州地 六月乙酉詔曰上天降監惠及烝民聖主明王萬載一遇朕旣上承天命下統羣臣每有征行皆奉天意是以機謀在己取舍如神國令旣行人情大附舛訛歸正遐邇無愆可謂大含溟海安納泰山矣自我國之經營爲羣方之父母憲章斯在元嗣何憂升降有期去來在我良籌聖會自有契於天人衆國

羣王豈可化其凡骨三月之後歲在丙戌時值初秋
必有歸處然未終兩事豈負親誠日月非遙戒嚴是

速聞者驚懼莫識其意是日大舉親征托歡黨項準

布

原作阻卜

等部命太子監國耀庫濟從行

攷異耶律都沁傳時將伐

渤海

諫曰陛下先事渤海則西夏必蹕吾後

秋七月

辛亥哈喇

原作庶無後顧憂太祖從之紀未載

等擊索歡

納

原作素昆那

山東部族破之八月乙酉至烏爾古

原作烏孤

山甲午次古單于國登阿勒坦音德爾

原作阿里山

九月丙申朔次古回鵲城勒石紀功丙午遣騎攻準

布南府宰相蘇

季父房太祖弟

等畧地西南未幾獻

字伊勒都堪

俘丁巳鑿金河水取烏山石輦致潢河木葉山以示

山川朝海宗嶽之意甲子詔確丕勒汗原作闕故碑

以契丹突厥漢字紀其功是月破呼穆蘇原作胡山

諸蕃部次伊德實原作業山以赤牛白馬祭天地攷

禮記載祭山儀甚詳續通考云遼祠木葉山本所以

祀天地然外又有獨祀天者有並祭天地者諸帝紀

可考也然祭天地亦不專於木葉山如太祖天贊三

年七月至烏爾固山以鵝祭天四年閏十二月以青

牛白馬祭天地於烏山是也有不至木葉山而望以

祭之者如聖宗開泰元年正月望祠木葉山是也有

不親祭遣官代者如聖宗統和五年七月將伐宋遣

使祭木葉山是也至祭天地之物青牛白馬及赤白

羊或酒脯或鵝物自不一又或因物爲吉徵而祀者

如聖宗統和四年以自落鴉及馴狐祭天地是也又

禮志有拜日儀聖宗統和元年十二月千齡節祭日

月四年十二月祭日月爲駙馬蕭勤德所福兵衛志

凡舉兵祭告天地日神則拜日之儀有獨拜日者有兼拜月者拜月儀志雖未載其儀當與拜日等見陳浩遼史攷證王易燕北錄云契丹如見月蝕各備酒饌相賀戎主次日亦有宴會如日食即盡望而唾之仍背日坐冬十月丁卯軍於巴爾斯原作霸山遣兵禮志未載

踰流沙拔浮圖城盡取西鄙諸部十一月乙未朔獲

甘州回鶻輿地廣記云甘州本戎狄地秦漢為匈奴據昆邪王居之漢武時來降置張掖郡北

涼沮渠蒙遜都此西魏為西涼州改甘州因州東都甘峻山為名縣二張掖刪丹五代時為回鶻牙帳都

督必里克原作畢因遣使諭其主烏穆珠汗原作烏

汗軍抵巴克實原作山攻異歐史云契丹患女真渤海在其後欲擊渤海懼中國

乘其虛乃遣使聘唐以通好同光間使者再至而於明宗紀書是冬契丹侵漁陽李嗣源敗之於涿州李

瓊傳謂是年契丹犯塞明宗出涿州與戰不勝引去言高祖獨戰不已被圍瓊引高祖衣遁至劉李河瓊

先至南岸以長矛援出之獲免所載互異薛史云二年五月幽州言契丹營於州東南渤海遣使貢方物七月契丹東攻渤海九月同軍王溥五代會要云是年三月契丹寇新城七月攻渤海九月爲室韋女真同鶻所侵十二月寇嵐州契丹國志云契丹就唐求幽州處盧文進不許謀南侵恐渤海掎其後先遣兵擊遼東命禿飯及盧文進據平營等州擾燕地師攻渤海無功還紀均未載

四年春二月丙寅耀庫濟畧黨項未幾獻俘乙未蕭阿古齊畧燕趙還進牙旗兵仗三月丙申太祖饗軍於水精山南攻小蕃下之皇后皇太子迎謁於扎里河秋還宮冬十一月丁酉幸安國寺飯僧赦京師囚縱五坊鷹鶻十二月乙亥詔曰所謂兩事一事已畢惟渤海世讐未雪豈宜安駐乃舉兵親征渤

遼史紀事本末

卷一

一

海后及太子皆從己酉次色克原作撒葛山丁巳次商嶺

夜圍扶餘府攷異新唐書夫餘故地爲夫餘府常屯

在漢元菟郡北爲今海城蓋平復州自開元以北千

餘里皆夫餘之境南北朝爲慕容氏所侵走保沃沮

又爲百濟侵徙近燕尋被高句麗據唐滅高麗入於

渤海遼併渤海以爲東京王都通州金爲隆州屬上

京路有東西二金山亘三百餘里與烏梁海接境隋

唐伐高麗所謂出夫餘道者蓋嘗由此又夫餘本濊

地故魏畧云王印文曰濊王之印謂本濊地而夫餘

居之其舊國爲豆莫婁在勿吉北千里契丹國志云

正月攻幽州十二月攻蔚州唐遣李嗣源擊之薛史

云二月嗣源奏涿州東南殺敗契丹生擒首領三十

人六月雲州上言去年契丹從磧北歸帳達靺因相

掩擊其首領裕悅族帳自磧北以部族羊馬三萬來

歸王溥五代會要云二月寇幽州爲王師所敗俘其

首領衛多等五月遣使拽鹿孟等來貢方物綱目云

五月寇幽州陳桎五代史補編云十一月蕭阿古只

寇幽州冊府元龜云同光三年十月甲子差壽州

刺史米海金押國信賜契丹王及回使梅老禿里等
辭賜物有差均與紀異孫光憲北夢瑣言云明宗改
時隨蕃將李存信宿雁門逆旅娼方娠不時具食腹
中兒語曰天子至宜速具食娼遽起奉匄嬰甚謹帝
詰之以實對
後果如其言

天顯元年攷異契丹國志於天贊四年後尙有五年

載天顯元年六年太祖崩后攝政二年十一月太宗卽位

不改元仍稱天顯歐史云德光立三年改元天顯當

明宗天成三年沈炯震廿一史四譜云德光元年丁

亥爲天顯二年當明宗天成二年在位二十年按遼

紀干支與五代史注悉合唯遼史以太祖丙戌爲天

顯元年五代史則以戊子爲天顯元年故史稱天顯

十一年改元會同而五代史則謂十三年改元會同

所載各異至唐明宗之立在天顯元年四月計遼太

宗之立實後一年餘七月而契丹附錄謂德光與明

宗同年而立爲三年改元之證故與史不符未知孰

是春正月己未白氣貫日庚申拔扶餘城誅其守將

攷異王溥五代會要繫之九月耶律迪里傳丙寅命扶餘城既拔留迪里與伊德實守之紀未載

特哩袞安圖前北府宰相蕭阿古齊等將萬騎爲先

鋒遇譚謨老相兵破之是夜圍輝罕城原作忽汗城即故平壤城

號中京顯德府渤海王所都因河得名以地理及音譯考之當在今呼爾哈河河源出吉林烏拉界會畢爾

爾喀湖東流經故會甯城北又九十餘里繞甯古塔城南北流七百里入混同江舊唐書云渤海東京在

忽汗河之東爲肅慎故地新唐書志云自安東都護府經蓋牟城及渤海長嶺府千五百里至渤海王城

城臨忽汗海其西南三十里有古肅慎城明一統志言金滅遼設都於渤海上海京是忽汗城實與古肅慎

城金會甯城相近均在今甯古塔境其北卽黑水境遼史以遼陽當之失之遠矣耶律哈里傳原作海里

字鼎爾琨從征渤海將約尼庚午駐軍城南辛未誣糾破輝罕城班師卒紀未載

譚素服橐索牽羊率僚屬三百餘人出降太祖優禮

釋之甲戌詔諭渤海郡縣丙子遣近侍康末怛等十

三人入城索兵器爲邏卒所害丁丑諲譔復叛進攻

拔其城遂獲諲譔及其族屬二月壬辰以青牛白馬

祭天地大赦改元天顯丙午改渤海爲東丹國輝罕

爲天福城地理志云本朝鮮地唐滅高麗置安東都護府後爲大氏所據保挹婁之東牟山武

后時爲契丹盡忠所逼有乞乞仲象者渡遼水自固

封震國公子祚榮稱王併吞海北地方五千里兵數

十萬傳十二世至彝震僭位改元有五京十五府六

十二州遼改東丹國攷異文獻通考云渤海本粟末

靺鞨俗謂王曰可毒失對面呼聖主箋表呼基下洪

東並海右姓曰高張楊寶烏李部曲奴婢皆無姓從

其主婦人最悍妬不容其夫有側室及他遊男子多

智謀驍勇出他國右至有三人渤海當一虎之語契

丹戰則用爲前驅續通考云祚榮開元七年歿私諡

通史卷一
高子武藝諡武子欽茂諡文子嵩隣諡康孫華璵諡
成子元瑜諡定弟言藝諡僖弟明忠諡簡從父仁秀
諡宣此渤海私諡歷代沿襲可考者如此詳諡法考
按唐書及通考自祥榮已諡高王子武藝改元仁安
欽茂元徙上京又徙東京自祥榮至彝震無不稱號
改元史未得其實方與紀要云挹婁城鐵嶺衛南六
十五里本挹婁國地渤海置興州遼號中興軍東牟
山在瀋陽中街東二十里與地廣記云遼東秦立二
漢因之後為公孫度據魏晉亦曰遼東郡後慕容廆
居之元魏時高麗都焉唐李勣滅之得城百七十六
鳳二年又徙新城開元二年徙平州尋徙遼郡故城儀
城至德後廢領靺鞨州十四新城遼城哥勿建安皆
設都督府又南蘇本底蓋牟代那倉巖磨米積利黍
山延津安市明一統志云遼河源出塞外自三萬衛
西北入境南經鐵嶺遼陽之西境廣甯之東境南至
海州衛西南入海行千三百五十里唐太宗征高麗
至遼澤泥淖二百餘里布土作橋既濟救之以堅土
心卽此薛延寵全遼志云遼河城西北百里源出靺
鞨北建州城東諸山經塗山至洪州傍崖頭牛家莊

出梁房口入海元遺山文集王黃華墓碑云王樂德
居渤海遼太祖平渤海封其子為東丹王都遼陽樂
德之曾孫繼遠仕為翰林學士因遷家遼陽繼遠孫
使咸節避大延琳之難遷漁陽咸節孫六宅使
恩州刺史叔甯遷白霽六宅生永壽居韓州遼天慶
中遷蓋州之熊岳縣按縣西至海十五里傍海有熊
岳山今望海山在蓋平縣西南三十里其山傍海遼史熊岳疑即此
冊太子貝為人

皇王以主之以皇弟特爾格為左大相渤海老相為

右大相渤海司徒大素賢為左次相耶律伊濟原作羽之

為右次相本傳迪里弟時人心未安特爾格不赦其逾月卒伊濟蒞事勤恪威信大行

國內殊死以下三月戊午遣伊勒希巴原作夷離畢康默

記左僕射韓延徽攻長嶺府攻異新唐書云長嶺府營州道也渤海時領瑕

河二州瑕州無考當為附郭之州遼廢河州遼為德化軍在黃龍府北有軍器坊己巳安圖

等攻安邊鄭頡定理三府

攷異新唐書云安邊府領

安州刺史隸北女直兵馬司其地應在開原邊外地

理志云韓州本果囉國高麗置鄭頡府督鄭頡二州

渤海因之今廢唐太宗置三河榆河二州聖宗併二

州置隸延昌宮使治柳河縣又鄭頡唐書作鄭高定

理府本挹婁國地元一統志云渤海建定理府督瀋

定二州領定理平邱巖城慕美安夷瀋水安定保山

能利九縣後羅契丹兵火其定州與縣並廢卽瀋州

爲興遼軍又更昭德按挹婁疆域與肅慎同史云處

長白山北東濱大海不知其北所極則今東三省皆

挹婁地奉天之承德鐵嶺亦挹婁界其與肅慎稍異

者惟今開原縣周秦以前屬肅慎漢屬扶餘國界其

故地之見於史傳者若渤海之定理府安定郡遼金

之瀋州雙州興州皆是而瀋州挹婁縣之遺今猶有

挹婁城在鐵嶺縣南六十里明爲懿路城設左右千

戶均平之甲申幸天福城乙酉班師以大譴譟舉族

行攷異歐史明宗紀天成元年卽位爲同光四年乃

天顯元年紀於四月書渤海大譴譟使大陳琳來

七月使大昭佐來王溥五代會要亦同又於四年五月書高正詞入朝拜洗馬長興以後屢使朝貢至周顯德元年七月止時渤海久亡猶書朝聘未詳所指東國通鑑云高麗太祖九年春契丹滅渤海大誣謬降於是渤海世子大光顯及將軍申德禮部卿大和鈞均老司政大元鈞工部卿大福謨左右衛將軍大審理小將冒豆干檢校開國男朴漁工部卿吳與等率其餘衆奔高麗者數百戶王賜光顯姓名王繼附宗籍使奉其祀僚佐皆賜爵欽定滿洲源流考云遼紀稱天顯元年破忽汗城獲王太誣謬遂併其地改渤海爲東丹國而諸書皆云取夫餘一城以封托雲太祖旣崩渤海王復攻夫餘不克似誣謬尙在而宋太宗時有賜渤海王復攻夫餘不克似誣謬尙在而戊戌巡防渤海之奏似其國至北宋末猶存考之薛史及冊府元龜譚謬旣俘統兵攻夫餘城者爲王之弟卽遼紀所載渤海諸州爲遼攻得者惟忽汗城及西南二京南京止南海一府爲遼未得者尙有東平安遠等六府其東北之境并未屬遼卽長嶺南海鄭頡驪遣奚王討之不能克二十一年紀云渤海來貢是

忽汗破後境地與遼接者雖已入遼而國人收合餘
燼則自立王故五代史宋史宋會要通鑑通考皆謂
止取夫餘一城也冊府元龜又有後唐遣人送渤海
王憲歸國之文必王之子弟留中國者長興清泰間
使命往來則仍世君其國可知第為
遼所隔石晉又臣遼遂不復至耳
夏四月唐李

嗣源反郭從謙弑其主存勗嗣源遂稱帝 五月辛

酉南海 攷異新唐書沃沮故地為南京曰南海府領沃晴椒三州南海新羅道也本沃沮國地故

縣六沃沮驚巖龍山濱海昇平靈泉皆廢金改為海州後為澄州唐李勣攻卑沙城即此治臨溟縣按後

漢書魏志通考俱有東沃沮南沃沮北沃沮之文無大君長邑落各自有地或在挹婁南北或屬元菟或

屬樂浪或屬句驪東濱海南接澌其地當在今吉林烏拉之南近長白山殆納沁庫喀納納嚕諸窩集之

地定理二府復叛耀庫濟討平之六月丙午次慎州

唐遣姚坤以國哀來告 攷異綱目云唐明宗立遣供奉官姚坤告哀於契丹主欲

唐遣姚坤以國哀來告

求河北不得復求鎮定幽州給坤紙筆令爲狀不可
遂囚之太宗立乃放歸陳桎五代史補編云時主聞
莊宗弒對坤慟哭曰我朝定兒也朝定猶幸言朋友
也謂其聲色遊畋宜及此楊伯巖聽乘竹朝定眞冷
眞冷遺命也出莊子山木篇按莊子山木篇舜之將
死眞冷禹曰注云眞冷二字乃其命之誤又巽薛史
云阿保機問姚坤漢收得西川信否曰然曰聞西有
劍閣兵馬從何過得坤曰川路雖險然先朝收復河
南有精兵四十萬良馬十萬但通行處便去得視劍
閣如平地耳阿保機善漢語謂坤曰吾解漢語愿口
不能言懼部人效我令軍士怯弱故也王溥五代會
要云正月契丹使松老靺里來共三十七人貢馬三
十匹詐修和好歐史亦書

秋七月丙辰鐵州

地理志云

美楞錫里來紀均未載
本漢安市縣薛仁貴從征高麗白衣登城卽此攷異
方輿紀要云在蓋州衛東北七十里唐攻安市城不
克引還咸亨三年高麗復叛遣高侃敗之於安市城
卽此渤海改鐵州領仁城河瑞倉山龍珍四縣遼治
湯池縣故城在今奉天府蓋平縣東北六十里鴨江
行部志云湯池縣本遼時鐵州以其東有鐵嶺故名

遼史紀事本末

卷一

聖

今廢鐵州以湯池縣屬蓋州

刺史衛鈞反耀庫濟攻拔之辛未衛

送大誼譔於皇都西築城以居之賜譔名曰烏勒

呼原作烏魯吉

妻曰阿勒札

原作阿里只攷異卷二十一
道宗紀清甯七年南院大王

同名盧龍行軍司馬張崇叛奔唐甲戌次扶餘府不

豫是夕大星隕於幄前辛巳黃龍見入於行宮有紫

黑氣蔽天

攷異續通考云太宗會同二年趙思溫家
有星隕於庭思溫卒九年五月大星晝隕

九月庚子西京星隕如雨景宗保甯五年四月丙申

白氣晝見道宗壽隆七年正月壬戌朔夜白氣如練
自天而降黑雲起於西北疾飛有

是日遂崩年五十

五攷異地理志云太祖崩於東樓龍化州疑譔王溥
五代會要云九月二十七日阿保機殂薛史作七

月二十七日

所載各列 皇后稱制決事八月辛卯康默記攻下

長嶺府甲午奉梓宮西還耀庫濟討平諸州奔赴

行在乙巳久皇王貝繼至九月丁卯梓宮至皇都上

謚昇天皇帝廟號太祖加謚神烈攷異歐史明宗紀云七月契丹使梅

老迷骨來十月使沒骨餒來告哀廢朝三日王溥五

代會要告哀使名設骨餒薛史云八月幽州奏契丹

寇邊十一月青州奏契丹先攻過渤海自安巴堅死

雖退師尚留兵馬在扶餘城今渤海王弟領兵攻圍

想係傳聞之誤冊府元龜云天成元年七月契丹遣

梅老里述骨之進內官一人馬二匹地衣眞珠裝金

釧金釵等九月趙德鈞奏先羌軍將陳繼威使契丹

還稱阿保機死八月三日靈柩發扶餘城十三日至

烏州始見其妻二十七日至龍州其妻令繼威歸本

道仍遺捺括梅老押馬三匹充答信問使來所載較

詳以明年八月葬祖陵置祖州天城軍節度使以奉

陵寢攷異永樂大典云本年九月葬於木葉山置祖

州一統志云木葉山在克什克騰旗北太祖陵

遼史紀事本末

卷一

四

在巴林旗北廣祖州界是太祖葬祖州不葬木葉山也地理志云祖州本遼右八部神穆哩地太祖置西樓建城號祖州以昭烈莊敬簡獻宣簡四祖所生之地故名內城有殿曰兩明奉安祖考御容曰二儀以白金鑄太祖像曰黑龍曰清秘各有太祖徽時兵仗服物大祖陵鑿山爲殿曰明殿殿南嶺有膳堂門曰黑龍東偏有聖蹤殿立碑述游獵事殿東有樓立碑紀創業功皆在州西五里太宗建錄宏義宮統縣二城一長霸縣以龍州長平縣民置咸甯縣本長甯縣以遼陽俘戶置越王城裕悅實嚕西伐托歡黨項俘戶置方輿紀要云在臨潢西南四十里亦曰天成軍越王城在州東南二十里實嚕作述魯太祖伯父綽穆哩作世沒里富鄭公行程錄云祖州亦有祖伯父綽中有阿保機廟御靴尙存又四十里至上京臨潢府自過崇信館卽契丹舊地蓋建昇天殿於所崩行宮其南皆奚地也所載均較詳

在扶餘城西南兩河之間以扶餘府爲黃龍府

遼史紀事本末卷一